

ኔሃሚያ ማፃኣፖ ዓይያ ካር

ኔሃሚያ ማፃኣፖ ሃይሆ ቤሲ ፓቂንታኒ ዳንዳዓኔ፦

1. ዪሁዳ ዓጮ ዋይሣንዳጉዲ ፓርሴ ካኣቲ ዳኬ፥ ኔሃሚያ ሱኡፓቶና ዩሩሳላሜ ካታሞኮ ዲራ ዓካሲ ኮሺንቴ ሃይሴ ኬኤዛያኬ፤ ዬያ ሌሊቱዋንቴ ኔሃሚያ ዓሶኮ ዋላ ናንጎ ናንጎና ካኣኮና ገንሣ ዓካሲሣ
2. ያኦሲኮ ዋጎ ማፃኣፖ ዒዘራ ናባቤሣና ዴራ ፔኤኮ ጎሞ ቡኡፃሣ
3. ኔሃሚያ ዪሁዳ ዓጮ ዋይሣያ ማዒ ማዴ ሜሌ ማዶዋ ኬኤዛኔ።

ማፃኣፔሎይዳ ዳኤፒ ማዒ ጴዳ ባካ ኔሃሚያ ያኦሲ ዶዲ ጉሙርቄ ጉሙርቄሣንታ ዒዚ ሺኢቄ ሺኢጲሣንታ ሃይሴኬ።

ማፃኣፔላ ዲማ ዲማ ዓርቄ ባኮ

ኔሃሚያኮ ዩሩሳላሜ ማዒያ (1:1—2:20)

ዩሩሳላሜ ካታሞ ዲሮ ዓካሶናሣ (3:1—7:73)

ዒዘራ ያኦሲኮ ዋጎ ናባቤሣና ዴራ ዋጎሞ ዓይሣንታኒ ገንሣ ጫኣቄሣ (8:1—10:39)

ኔሃሚያ ማዴ ሜሌ ባኮ (11:1—13:31)

ኔሃሚያ ዩሩሳላሜ ዛሎ ዖዪ ማሌ ማሊያ

1 ሃካሊያ ናኣዚ፥ ኔሃሚያ ኬኤዜ ባካ ያዲኬ፦

ዓርፄክሲሴ ፓሪሴይዳ ካኣታዳንቴ ላማታማሳ ሌዖኮ ኪሰሌዎ ጌይንታ ዓገሮና ታኣኒ፥ ኔሃሚያ ዳኤፖ ካታሞ ሱኡሳይዳ ዓኣኔ።

2 ዒማና ታ ጌርሲንሣዲፓ ፔቴ ሃናኒ ጎዖሣ ሜሌ ዓሲና ዋላ ዪሁዳ ዓጫፓ ታ ኮራ ሙኬኔ፤ ዩሩሳላሜንታ ዲዒንቲ ባብሎኔ ዔውቱዋየ ዓቲ ዓኣ ዓይሁዶ ዓሶንታ ዋዚ ዓኣቴ ታኣኒ ዔያቶ ያኦጩኔ።

3 ዬያር ዔያታ፦ «ዲዒንቲ ባብሎኔ ዔውቱዋየ ዓቲ ዓኣ ዓይሁዶ ዓሳ ዳኤፒ ሜቶና ዳውሲንቲናይዳ ዓኣኔ፤ ሃሣ ዩሩሳላሜኮዋ ዲራ ሻሂንቲ ዶዲ፥ ማርሾ ካራኣ ታሚና ሚቺንቴኔ» ጌይ ታኣሞ ኬኤዜኔ።

4 ታኣኒ ዬያ ቢያ ዋይዛየ ዴዒ ዬኤኬኔ።

ሚርጌ ኬሊያኣ ሙኡዚ ሃሺ ዖዪ ታ ዴዔኔ፤ ዬካፓ ያኦሲ ታ ሂዚ ጌይ ሺኢቄኔ፦

5 «ናገገናና ገዳ ማዕፍ ጨሪንጮ ያከዛሂህ! ኔኤኒ ፊኤፒኬ፤ ኑኤኒ ዒጊቹሞና ኔ ቤርታ ዔቃንዳኔ፤ ኔኤኒ ኔናና ሸካዘንሂንታ ኔኤከ ዓይሂያ ካፓዘንሂንታ ዋላ ቢያ ጨኣቃ ጨኣቁሞ ኔ ካፓኔ።

6 ያኦሲዮ! ኔኤከ ዓይሎ፥ ዒሰራዔኤሌ ዳሮኮ ዳቁንቶሮ ሮኦሮና ዋንቶና ታ ሸኢቃ ሸኢጲያ ዋይዜ፤ ታኣሞ ማሌ፤ ኑኤኒ፥ ዒሰራዔኤሌ ዳራ ማዳ ጎሞ ታኣኒ ቡኡፃኔ፤ ጎኔና ታናንታ ታኣከ ቤርታኣ ዓድንሂንታ ኑ ዳቤኔ።

7 ኔኤሞ ዋይዘ ዒዲ ኔኤከ ዓይሂያዋ ቢያ ኑ ሄርቄኔ፤ ኔኤከ ዓይላሂ፥ ሙሴ ዛሎና ኔ ኑም ዒንጌ ዎጎና ዳምቦና ኑ ካፒባኣሴ።

8-9 ዒንሂሂ ዒሰራዔኤሌ ዳራ፥ ታ ገንዖ ጉሙርቁሂና ዒንሂሂ ሃንቲባኣቲ ሜሌ ዳሮ ባኣካ ታ ዒንሂሂ ዜርቃንዳኔ፤ ጋዓንቲ ዒንሂሂ ሃንጋ ታ ባንሂሂ ማዒ፥ ታ ዒንሂሂ ዓይሂ ባኮ ማዲ ዒንሂሂ ኩንሂቶ ዳንዲ ዓጮኮ ጋፖ ሄላንዳኣና ዋዚ ዒንሂሂ ዜርቁንቲያ ማዕቴያ ታኣኒ ካኣሸከንታኒ ደኦሪ ቤዘ ላሚ ታ ዒንሂሂ ቡኩሲ ዔኪ ሙካንዳኔ ጌይ ኔኤኒ ሙሴም ከኤዜ ቃኣሎ ኔኤሲ ማሌ።

10 «ናገገናና ገዳ ሂሂህ! ሃኣታ ኔኤከ ዓይሎኬ፥ ኔ ዳሮኬ፤ ሃያኮ ቤርታ ኔኤከ ዳኤፖ ዋልቆና ደዶ ኩጮና ዓውሲ ኔ ዔያቶ ዳቂሼኔ።

11 ሃሂያ ኔ ታ ሸኢጲያ ዋይዜ፤ ሃሃ ኔና ቦንቻኒ ናሸካ ሜሌ ኔ ዓይሎኮዋ ሸኢጲያዋ ዋይዜ፤ ሃኖ ታኣኒ ማዳኒ ማሌ ማሊፃ ገኢጋንዳጉዲ፥ ሃሃ ካኣቲኮዋ ዒና ሚጨንታንዳጉዲ ማሂ ታና ማኣዳ።»

ታኣኒ ዒማና ካኣቲም ዋይኖ ዑኩ ሸኢሺ ዒንጋሂኬ።

2

ኔሃሚያ ዩሩሳላሚ ዓኣዳሂ

1 ዓርፄክሲሴ ካኣታዳንቲ ላማታማሳ ሌዖና ኒሳኣኔ ጌይንታ ዓገሎኮ ፔቲ ዓቢና ታኣኒ ካኣቲም ዋይኖ ዑኩ ዒንጋኔ፤ ዬኖ ዓባፓ ዓታዘ ቤርታ ታኣኒ ያዬም ካኣቲ ታና ዳንቁ ቤቁባኣሴ።

2 ዬያሮ ካኣቲ፡- «ፔቲ ሜታ ኔና ሄሌም ማዓንዳኣፓዓቲም ኔ ሃርገባኣንቲ ዋዲ ዓኣፖ ካራ ኔኤከ ያዩሂና ሃያይዲ ቱኡቴይ?» ጌይ ታና ያኦጮኔ።

ታኣኒ ዒማና ሚርጌና ዒጊጫዖ፥

1:8-9 ሊዊ. ዓኬ 26:33፤ ላሚ. ዋማ 30:1-5።

3 «ካአተዮ፡ ናአናና ካአታዳ ጎይሣ ናንጌ! ታአኮ ቤርታአ ዓደንሣ ዲኡቲ ካታማ ደዒ ሻሂንቲ ዓቲም፡ ሃሣ ዲር ካራአ ታሚና ሚቸንቲ ባይቄም ዋይቲ ታ ያዩዋየ ዓታንዳይ?» ጌዔኔ።

4 ዬካፓ ካአቲ፡ «ያዲ ማዔቲ ሃሣ ታአኒ ኔኤም ዓይጎ ዋደንዳይ?» ጌይ ታና ያኡጫዛ፡ ታአኒያ ጫሪንጮ ያኡዛሣ ሺኢቄሰካፓ፡-

5 ካአቲ ኮይላ «ካአተዮ! ኔታና ቦንቻያ ማዔቲ፤ ሃሣ ታ ያኡጫዎ ኔ ዋይዛቶ ታአኮ ቤርታአ ዓደንሣ ዲኡከንቲ፡ ዪሁዳይዳ ዓአ ዬሩሳላሜ ካታሞ ታአኒ ዴንዲ ካታሜሎ ገንሣ ማዠንዳጉዲ ታና ዳከቲራ» ጌዔኔ።

6 ዓሚና ጌኡሻ ካአቲኮ ኮይላ ዴዒ ዓአኔ፤ ካአቲያ ዬያ ታአኮ ያኡጫዎ ዋይዛዎ፡ «ዓአፒኒ ኬሊዳ ኔ ዴንዲ ሄላንዳይ? ዓይዲ ኔ ማዓንዳይ?» ጌይ ታና ያኡጫኔ፤ ታአኒያ ዴንዲ ሄላንዳ ዋደና ሃሣ ዓይዲ ማዓንዳቲያ ኬኤዜኔ።

7 ሄሊሳዎ ሃሣ ዒኢና ጌዒ ታአኒ ዪሁዳ ዓጮ ዓአዳንዳጉዲ ዔፕራዲሴ ዋርኮ ዓባ ጌላ ባንያና ዓአ ዓጮ ዋይሣዘንሣሣም ካአቲ ዓአዶም ጌዔያ ማዒያ ዔርዘ ዋርቃታ ዒንጋንዳጉዲ ካአቲ ታአኒ ሺኢቄኔ፤

8 ዬያጉዲ ሃሣ ጌኤዠ ማአር ዲር ካርንታ ካታሞ ጌሎ ካርንታ፤ ሃሣ ታአኒ ሃውሻንዳ ማአር ካፖ ቤዘዋ ማዠም ማዓንዳያ ሚሣ ቆዳሳንዳጉዲ ጋዓ ዋርቃታ ዓሳአፔ ጎዎ፡ ካአቲኮ ዴኤሎ ካዮ ካፓሣም ዒንጎንዳያ ታአኒ ያኡጫኔ፤ ዬያ ያኡሲ ፔ ሚጫንቶና ታና ማአዴሣር ካአቲ፡ ታአኒ ያኡጫ ባኮ ቢያ ታአም ዒንጌኔ።

9 ያሎ ዓሶ ዓይሣ ዓሲና ፓራሣና ያላ ዓሲ ታአና ዋላ ዓአዳንዳጉዲ ዒሚና ካአቲ ዳከኔ፤ ዬካፓ ታአኒ ዔፕራዲሴ ዋርኮ ዓባ ኬሰካ ባንፃ ዓአ ዓጮ ዓአዳኒ ኬሰከኔ፤ ዒኢካ ታ ሄሄላዎ ፃአፒሲ ዔኬ ዋርቃቶ ዓጮ ዋይሣዘንሣሣም ዒንጌኔ፤

10 ጋዓንቲ ዒሰራዔኤሌ ዴር ዓውሳኒ ኮሺ ባአዚ ማዳ ዓሲ ሙኬሣ ቤትሆርኔ ካታማ ናንጋ ሴንባላፃና ዓሞኦኔ ዓጮኮ ቢቲ ማዒ ዋይሣ ያቢያና ዋይዛዎ ሚርጌና ዳጋዴ።

11 ያዲ ማዔቲያ ታአኒ ዬሩሳላሜ ዓአዲ ዒኢካ ሃይሣ ኬሊ ፔኤቄኔ፤

12 ዓሚና ታአኒ ዬሩሳላሜም ማዳንዳ ማዶ ቢያ ያኡሲ ታአም ፔጋሲ ዳዌ ዓአሺንቲ ባኮ ያኡማኦ ኬኤዘዋዎ ታ ዴዔኔ፤ ዬካፓ ዳካ

2:3 2ካአቶ. ማ 25:8-10፤ 2ዮኦሲ. ዓሃኬ 36:19፤ ዔር. 52:12-14።

ታ ላገና ዋላ ሳባ ባሚ ገደሚሽ ማዓዛ ዔቁ ፔቴ ቤሲ ታ ዴንዴኔ፤ ኑ ኮይላ ዓኣ ጫኣና ጫኣና ቆልሞማ ታኣኒ ቶጌ ሃሮማ ሌሊኬ፤

13 ደኡጮ ዲሮ ካሮና ታኣኒ ኬሰኪ ቃራሢ ዋኣዖ ካሮ ጌይንታ ቤዘይዳና ጌራ ደኡሎ ዛሎይዳ ዓኣ ቡኡሮ ላኣሎ ቤዘ ጌይንታዘ ታ ዴንዴኔ፤ ዒማና ሳባ ሃጊ ዲሚኬ፤ ታ ዒኢና ዓኣዳኣና ካታሞኮ ሻሂንቲ ዲሮ ካሮንታ ታማ ሚቹ ኩርሴ ጌሎ ካሮዋ ታ ዛጌ።

14 ሄሊሳዖ ካታሞኮ ዓባ ኬሰካ ባንዖና ጌይ ኬዶ ዛሎና ዓኣ «ዓልቃ ዋኣዖ ካሮ» ጌይንታ ቤዘና ጌይ ካኣቲ ቦቆሎ ባንሢ ታ ዴንዴኔ፤ ጋባንቲ ታኣኒ ቶጌ ሃራ ዶዔ ባኮኮ ኩሎ ገደና ዓኣዳንዶ ጎይሢ ዴንቃኒ ዳንዳዒባኣሴ።

15 ዬያሮ ዬና ዋንቲሎ ቁድሮኣኔ ዎሮ ታኣኒ ኬዲ፣ ዲሮ ዛጊ ዛጊ ዒኢና ዓኣዳኔ፤ ጋፕንጎይዳ ገንሢ ታ ሙኬ ጎይጎማና ማዒ ደኡጮ ዲሮ ካሮ ዛሎና ካታሞ ታኣኒ ጌሌ።

16 ዒማና ዓጮይዳ ቢታንታ ዓኣ ዓሶይዳፓ ታ ዎካ ዓኣቲያ፣ ሃሢ ታ ዓይጎ ማዳቲያ ዔሬይ ያኣኒያ ባኣሴ፤ ዬያ ሌሊቲዋንቲ ታኣኮ ላጎ ማዔ ዓይሁዶ ዓሶሞ ጌይ፡- ቁኤሶንታ ሱኡጎንታ ቢታንታ ዓኣ ዓሶንታ፤ ሃሢ ማዶ ማዳ ሃንጎ ዓሶፓ ፔቴ ዓሲምታዎ ዓይጎዎ ታ ኬኤዚባኣሴ።

17 ዬካፓ ጋባንቲ ታኣኒ ዔያቶም፡- «ሂንዳ ዓካሪ ዓኣ ሜታሢ ቢያ ዛጉዋቲ! ዬሩሳላሜ ካታማ ሻሂንቲም ዶዔ ባካ ኩሊንቲ፤ ዒዛኮ ጌሎ ካራኣ ታሚና ሚቹንቲ ባይቁኔ፤ ዬያሮ ሃሢ ኑ ዔቁጋፓ ካታሜሎኮ ዲሮ ኮሾም፤ ኩና ሄሌ ዳውሲንቶዎ ኑ ባይዘም» ጌዔ።

18 ሃሢ ሄሊሳዖ ያኣሲ ታኣና ዎላታሢንታ ዎማይዲ ዒ ታና ማኣዳቲያ፣ ዬያጉዲ ካኣቲ ታኣም ኬኤዜ ባኮዎ ቢያ ታ ዔያቶም ፔጋሲ ኬኤዜ።

ዬካፓ ዔያታ፡- «ገንሢ ማኮ ኑ ዓርቃንዳ!» ጌዒ፣ ዬያ ኮኮ ማዶ ማዳኒ ገኢጌ።

19 ጋባንቲ ቤትሆሮኔ ዓሢ ሴንባላጃንታ ሳሞኦኔ ዓሢ ያቢያንታ፤ ዬያጉዲ ሃሢ ጌሼሜ ጌይንታ ፔቴ ዓሪቤ ዓሲሰኬይ ዬያ ኑ ማዳኒ ዓርቁ ማሊያ ዎይዛዖ ቦሂ ሚኢጪ ሚኢጪ፡- «ሃይ ዒንሢ ማዳ ባካ ዓይጎ ባኣዚዳይ? ዒንሢ ካኣቲም ዎይዚ ዒፃኒ ኮዓም?» ጌይ ኩና ያኣጩ።

20 ታኣኒ ዒማና፡- «ጫሪንጮ ያኣዛሢ ማዶ ኩኡኮ ገኢጊሻኒ ዒ ኩና ማኣዳንዳኔ፤ ኑ ዒዛኮ ዓይሎኬ፤ ዬያሮ ማዶ ኑ ዓርቃንዳ፤ ዒንሢ ጋባንቲ ዬሩሳላሜፓ ዓይጎ ባኣዚ ዔካኒያ ማዖም ሃይሴ ዒንሢ ዛላ ኬኤዚንታንዳይ ባኣያ ማዓንዳ፤» ጌይ ዔያቶም ማሄ።

3

ዩሩሳሌም ካታሞኮ ዲራ ገንሣ ኮሺንቴሣ

1 ካታሞኮ ዲራ ገንሣ ኮሺንቴሣ ዩያይዲኩ፡- ቄኤሶ ቢያኮ ዑፃሣ፡ ዔሊያሺቤና ዒዛና ዋላ ማዳላጎ ማዕ ዩጌሳ «ማራቶ ካሮ» ጌይንታ ዲሮ ካሮ ገንሣ ኮሺ ጾኦም ዲማዴያ ማሄኔ፤ ካሮዋ ኮሺኔ፡ ዲሮዋ «ጼኤታ» ጌይንታ ሹጮ ሴኤሎና «ሃናኒዔኤሌ» ጌይንታ ሹጮ ሴኤሎ ሄላንዳኣና ጾኦም ዲማዴያ ዔያታ ማሄኔ።

2 ዒያርኮ ዓሳ ዩሮ ቤዞ ሄሊሲ ዓኣ ቤዞ ኮሻዛ፡ ዜኩሪ ጌይንታሣ ዒምሪ ናኣዚ ዒዛይዳፓ ሄሌ ቤዞ ኮሺኔ።

3 ሃሰናዓ ቶኦኮ ማዕ ዓሳ ሞላሣ ዲሮ ካሮ ጌይንታ ቤዞ ኮሺኔ፤ ዔያታ ቱርቱርዋ ኮሺኔ፤ ካራኣ ኮሺኔ፤ ዩያ ካሮ ዋዶንዶ ጋጋርሲና ዋዶንዶ ቁልፔያ ገኢጊሺኔ።

4 ዩካፓ ሄሊሳ ቤዞ ሃቆጻኮ ናኣዚ ናዖ፡ ዑሪያ ናኣዚ ሜሬሞቴ ኮሺኔ።

ሃሣ ሄሊሲ ዓኣ ቤዞ ሜሺዛቤሌኮ ናኣዚ ናዖ፡ ቤራኪያ ናኣዚ ሜሹላሜ ኮሺኔ፤ ዒዛይዳፓ ሄሊ ዓኣ ቤዞ ቤዓና ናኣዚ ሳዶቄ ኮሺኔ።

5 ሃሣ ሄሊ ዓኣ ቤዞ ቴቆዓ ካታሞ ዓሳ ኮሺኔ፤ ጋዓንቴ ዒማና ካታሞኮ ሱኡጋ ዔያቶ ዓይሣ ማዲሻ ዓሳ ዓይሣ ባኮ ማዲያ ዒጻኔ።

6 ፓሳሄ ናኣዚ ዮዳሄና ቤሶዲያ ናኣዚ ሜሹላሜና ዪሻናኔ ዲሮ ካሮ ኮሺኔ፤ ዩካፓ ዔያታ ቱርቱር ዶቄኔ፤ ካሮዋ ኮሺኔ፤ ዩያ ካሮ ዋዶንዶ ቁልፔንታ ጋጋርሲያ ገኢጊሺኔ።

7 ዩካፓ ሄሊሲ ዓኣ ቤዞ ጌባጾኦይዳ ሾይንቴ ዓሣ ሜላጻያ፡ ሜሮኖቴይዳ ሾይንቴ ያዶኔ፤ ጌባጾኦንታ ሚጻጻንታ ዓጮ ዓሳ ዔፕራጻሴኮ ዓባ ጌላ ባንጾ ዓጮ ዋይሣ ዓሣ ናንጋ ማኣሮ ሄላንዳኣና ዓኣ ቤዞ ኮሺኔ።

8 ሃሣ ሄሊ ዓኣ ቤዞ ዋርቆ ሸኤሺ ኮሻ፡ ሃርሃያ ናኣዚ ዑዚዔኤሌ ኮሺኔ።

ዩሮ ቤዞ ሄሊ ዓኣ ቤዞ ሳውቃ ቲዦ ኮሻ፡ ሃናኒያ ኮሺኔ፤ ዩና ዓሳ ዩሩሳሌምኮ «ዳልጎ ዲሮ» ጌይንታ ቤዞ ሄላንዳኣና ዓኣ ቤዞ ቢያ ገኢጊሺኔ።

9 ዩካፓ ሄሊ ዓኣ ቤዞ ዩሩሳሌምኮ ዛሎ ዓጮ ዋይሣ፡ ሁሬ ናኣዚ ሬፓያ ኮሺኔ።

10 ሃሣ ሄሊ ዓኣ ቤዞ ሃሩማፔ ናኣዚ ዩዲያ ፔ ማኣሮኮ ሆታ ዓኣ ቤዞ ኮሺኔ።

ዩሮ ሄሊ ዓኣ ቤዞ ሃሻቤኒያ ናኣዚ ሃቱሽ ኮሺኔ።

11 ዩካፓ ሄሊ ዓኣ ቤዞ ሃሪሜ ናኣዚ ማልኪያና ፓሃትሞዓኣቤ ናኣዚ ሃሹቤና «ጋሞ ያኢሎ ኬኤሎ» ጌይንታ ዳጌ ቤዞ ኮሼኔ።

12 ዩኖይዳፓ ሄሊ ዓኣ ቤዞ ዩሩሳላሚ ካታሞኮ ዛሎ ዓጮ ዎይሃ፡ ሃሎሄሹ ናኣዚ ሻሎሚ ኮሼኔ፤ ዒማና ዒዛኮ ዉዲሮ ናኣታኣ ዒዛ ማደና ማኣዳኔ።

13 ሄሊሳዎ ሃኑኔና ዛኖሃናይዳ ናንጋ ዓሳ ዎሊ ዑፃ ዶኦጮ ዲሮ ካሮ ዓካሲ ኮሼኔ፤ ዩያ ዲሮ ካሮ ኮሺ፡ ዩያ ዎዶንዶ ቁልፔና ጋጋርዞዎ ጊኢጊሼኔ፤ ዴንዲ ቡኡሮ ላኣሎ ቤዞ ሄላንዳኣና ያዶሱማ ፔቴ ሺያ ዎዶ ማዓንዳ ኬኤሎ ዲያ ጊንሣ ዔያታ ኮሼኔ።

14 ዩካፓ ዩያ ቡኡሮ ላኣሎ ቤዞ ጌሎ ዲሮ ካሮ ቤትሃካሪሚ ዓጮ ዎይሃ፡ ሬካቤ ናኣዚ ማልኪያ ጊንሣ ኮሼኔ፤ ካሮኮ ቁልፖንታ ጋጋርዞዎ ጊኢጊሼኔ።

15 ዩኖይዳፓ ሄሊ ዓኣ ቤዞ ሚዲጳ ዓጮ ዎይሃ፡ ኮልሆዜ ናኣዚ ሻሎሚ ዎኣፃ ዓልቃ ዲሮ ካሮ ጊንሣ ኮሼኔ፤ ዩያ ካሮኮዎ ካራ ኮሺ ዎዶንዶ ቁልፖንታ ጋጋርዞንታ ጊኢጊሼኔ፤ ዒማና ሹላሄኮ ቦቆሎ ዲያ ባንዖና ካኣቱሞ ማኣሮኮ ሚያ ቱኮ ቤዛፓ ዓርቂ ዳውቴ ካታሞፓ ለካ ኬዶ ሳኖጉዳ ቤዞ ሄላንዳኣና ዓኣ ቤዞዎ ኮሼኔ።

16 ሄሊሳዎ ሃሣ ቤትፁሬ ዓጮኮ ዛሎ ዎይሃ፡ ዓዝቡቄ ናኣዚ ኔሄሚያ ዴንዲ ዳውቴ ዲኡፖ ሄላንዳኣና፡ ቦቆሎ ካሮ ሄላንዳኣና፤ ጊንሣ ሃሣ ያሎና ዔርቴ ጎኡቦ ዓሳ ዴንኪ ዴዓ ቤዞ ሄላንዳኣና ዓኣ ቤዞ ኮሼኔ።

ዲሮ ማዶ ማዶ ለዊ ዓሶ

17 ዲሮ ማዶ ማዶ ለዊ ዓሶኮ ሱንፃ ሃካፓ ዴማ ዓኣ ጎይዖኬ፡-
ባኒ ናኣዚ ሬሁሚ ዒዞይዳፓ ሄሌ ቤዞ ኮሼኔ።
ቁዒላ ዓጮኮ ዛሎ ዓጮ ዎይሃ ሃሻቢያ ፔ ዓጫ ማዶያ ማሂ ሄሊ ዓኣ ቤዞ ኮሼኔ።

18 ዩካፓ ሄሊ ዓኣ ቤዞ ሃሣ ቁዒላ ዓጮኮ ባጎ ዛሎ ዎይሃ፡ ሄናዳዴ ናኣዚ ባዎዬ ኮሼኔ።

19 ሄሊ ዓኣ ቤዞ ጊንሣ ሚዲጳ ዓጮ ዎይሃ፡ ዒያሱ ናኣዚ ዔዜሬ ያሎ ዓንጋሞ ጌሃ ማኣሮኮ ሆታ ዓኣ ቤዞ ዴንዲ ዲራ ቃሳዲ ማዓ ካሮ ሄላንዳኣና ኮሼኔ።

20 ዩኖይዳፓ ሄሊ ዓኣ ቤዞ ዛባዬ ናኣዚ ባሩኪሚ ዴንዲ ቁኤሶ ቢያሢኮ ዑፃሢ፡ ዔሊያሺቤ ማኣሮ ጌሎ ካሮ ሄላንዳኣና ኮሼኔ።

21 ጊንሣ ሃሣ ሃቆፄ ናኣዚ ናዖ፡ ዑሪያ ናኣዚ ሚሬሞቴ ዴንዲ ዔሊያሺቤ ማኣሮ ጋፖ ሄላንዳኣና ዓኣ ቤዞ ኮሼኔ።

ዲሮ ማዶ ማዶ ቁኤሶ

22 ዩናይዳፓ ሄሊ ዓአ ዲሮ ኮሼ ቄኤሶኮ ሱንፃ ሃካፓ ዴማ ዓአ ጎይያኩ፦

ዩሩሳላሜ ካታሞ ኮይሎይዳ ዓአ ቄኤሳ ዩካፓ ሄሊ ዓአ ቤዞ ኮሼኔ።

23 ሃሣ ዔያቶ ሄሊሳፆ ቢኢኒያሜና ሃሹቤና ዔያቶኮ ናንጎ ማአሮኮ ሆታ ዓአ ቤዞ ኮሼኔ።

ዩኖ ሄሊሳፆ ዓናኒያ ናአዚ ናፆ፣ ሜዕሴያ ናአዚ ዓዛሪያ ፔ ማአሮ ኮይላ ዓአ ቤዞ ኮሼኔ።

24 ሄሊሳፆ ሄናዳዴ ናአዚ ቤኑዬ ዓዛሪያሴ ማአራፓ ዓርቃፆ ዴንዲ ዲሮኮ ካአሞ ካሮ ሄላንዳአና ዓአ ቤዞ ኮሼኔ።

25-26 ዩካፓ ዑዛዬ ናአዚ ፓላሌ ዲራ ካአማ ካሮና ካአቱሞ ማአሮ ካፖ ቤዞ ኮይላ ዓአ ኬዴና ዴዒ ካአቱሞ ማአሮ ካፖ ዴጌ ኬኤሎ ዲፃፓ ዓርቃፆ ዓአ ቤዞ ቢያ ኮሼኔ።

ሄሊሳፆ ፓሮፖሽ ናአዚ ፔዳያ ዋአፆ ዲሮ ካሮ ኮይላ ዓባ ኬሰካ ባንፆ ባንሢ ዴንዳ ቤዞንታ ጌኤዡ ማአሮ ካፖ ዴጌ ኬኤሎ ጌይፆ፦ ጌኤዡ ማአሮ ማዳ ማዳ ዓሳ ናንጎ ካታሜሎኮ ፔቴዞ ማዔ «ፆፔሌ» ጌይንታ ቤዞ ኮይላ ዓአ ቤዞዋ ኮሼኔ።

ዩያ ማዳ ማዳ ማሌ ዓሶ

27 ጊንሣ ሃሣ ቱቆዓ ዓጮ ዓሳ ዒዞ ሄሊ ዓአ ጌኤዡ ማአሮ ካፖሞ ላሚ ማዡንቴ ዴጌ ኬኤሎ ቤዞኮ ሆታፓ ዓርቃፆ ዴንዲ ፆፔሌኮ ኮይላ ዓአ ኬኤሎ ዲፆ ሄላንዳአና ዓአ ቤዞ ኮሼኔ።

28 ሃንጎ ዓቴ ቄኤሳ ፔኤኮ ናንጎ ማአሮ ማአሮኮ ሆታ ዓአ ቤዞፓ ዓርቃፆ ፓራሢ ዲሮ ካሮኮ ኬዶ ዛሊና ዓአ ቤዞ ሄላንዳአና ኮሼኔ።

29 ዒሚሬ ናአዚ ሳዶቄ ዒዚ ናንጎ ማአሮኮ ሆታ ዓአ ቤዞ ኮሻአና ዓባ ኬሰካ ባንፆ ዲሮ ካሮ ካፓሢ፣ ሽካኒያ ናአዚ ሽማዒያ ዒዞፓ ሄሊ ዓአ ቤዞ ኮሼኔ።

30 ሄሊሳፆ ሽሌሚያ ናአዚ ሃናኒያና ፃላፔ ጎፆሢኮ ላሃሳ ናይ ሃኑኔ ጎፆሰኬይ ላሚ ሃሣ ዔያቶ ሄላ ጊንፆ ኮሼኔ።

ሃሣ ቤራኪያ ናአዚ፣ ሜሹላሜያአ ፔ ማአሮኮ ሆታ ዓአ ቤዞ ኮሼኔ።

31 ሄሌ ቤዞ ሃሣ ዋርቆ ሹኤሽ ኮሻ፣ ማልኪያ ዲሮ ካራ ዋላ ካአማ ካራኮ ኬዶ ዛሊና ዓባ ኬሰካ ባንፆኮ ጋፓፓ ዴንዲ ቢያ ባኮ ዴዒ ዛጎ ዴጌ ኬኤሎ ዲፆ ዛሊና ጌኤዡ ማአሮኮ ማዳ ማዳ ዓሶና ኮርሞ ኮርማ ዓሶሞ ማዓ ቤዞ ሄላንዳአና ዓአ ቤዞ ኮሼኔ።

32 ዩካፓ ዋርቆ ሹኤሽ ኮሻ ዓሶንታ ኮርሞ ኮርማ ዓሳአ ዲራ ካአማ ካራፓ ዓርቃፆ ዴንዲ ማራቶ ዲሮ ካሮ ሄላንዳአና ዓአ ጋፔንፆ ቤዞ ሄላንዳአና ዓአሢ ኮሼኔ።

4

ነሄሚያ ማደ ማደቀጉዲ ማኮናሢ ቢያ ባሾሢ

1 ከኤሎ ዲሮ ኑ ማዢያ ዓርቄሢ ዋይዛያ ሰንባላፄ ሚርጌና ደጋዲ፡ ጎሪጎቲ ኑና ቦሢ ጌሰቲሢ ዓርቄኔ።

2 ዒማና ዒዛኮ ላጎና ሳማሪያ ፖኦሊሶና ቤርታ፡- «ሃንሢ ላቤ ዓይሁዶ ዓሰንሢ ዓይጎ ማዳኒ ማሌይ? ካታሜሎ ጊንሢ ላሚ ማዢን ዒያታ ማሌሞ? ጾሲሞ ዒንጎ ባኮ ዒያታ ሃሢ ዒንጋንዳ? ማደቀ ዒያታ ፔቲ ከሊዳ ማዲ ጋፒሳኒ ዳንዳዒያ ዒያቶሞ ማላ? ከኤሎ ዲርቆንዶ ሹጮ ሚቺ ደይሲ ኩሎና ቡኡሮ ባኣካፓ ከሲ ዒያታ ዔካኒ ዳንዳዒንዳና?» ጌይ ቦሢ ጌሰቲኔ።

3 ሃሢ ዒዛ ኮይላ ዒቁ ዓኣ ጾቢያ ፔ ዛሎና፡- «ዒያታ ዋዚጉይ ከኤሌ ዲርሲ ኮሻኒ ዳንዳዒይ? ዒያቶኮ ከኤሎ ዲያ ዑያ ሙኡካ ከሰከቲ ዶዒኒ ዳንዳዒኔ!» ጌይ ቶኦቺ ጌሰቲኔ።

4 ዬያሮ ታኣኒ፡- «ኑ ጾኦሲዮ! ዒያታ ኑና ዋዚ ቶኦቻቲያ ሂንዳ ዛጌ፤ ሃይ ጫዢ ዒያቶ ቶኦካ ማጾሞ፤ ዒያቶኮ ዓኣ ቆላ ቢያ ቡሪንቴሞ ሜሌ ዓጪዳ ዒያታ ዳከንቴ ዓሲ ማጾሞ፤

5 ዒያታ ማዴ ፑርቶ ማደ ዒያቶሞ ዓቶንጎ ጌይፖ፤ ኑኡኒ ሻሃንቴሢ ኮሾሢሮ ጫሺና ዒያታ ኑና ቦርሲሴኔ፡ ዳቢንቶ ዒያቶኮ ዋሊፖ» ጌይ ሺኢቄኔ።

6 ኑኡኒ ዒማና ከኤሎ ዲሮ ጊንሢ ኮሺያ ማደ ሃሺባኣሴ፤ ዳራ ማደ ዶዲ ማዴሢሮ ማደ ሩኡሪና ዲሮኮ ሃካሢዳ ሄሌኔ።

7 ሰንባላፄ፡ ጾቢያ፡ ዓሪቦ ዓሳ፡ ዓሞኦኔ ዓሳ፡ ዓሸዶይ ዳራኣ ዓቲዋጾ ዬሩሳላሜ ካታሞኮ ከኤሎ ዲሮ ላሚ ጊንሢ ኑ ማዢያና ኮሺ ማደ ኑ ማዴሢሮ ሃሢ ከኤሎ ዲሮ ባኣካ ዋላ ካኣሚባኣ ቤዛ ዲርቁንቴሢ ዋይዛያ ኮሺ ዳጋዴኔ፤

8 ዬያሮ ዒያታ ዋላ ፔቲ ማዒ ዬሩሳላሜ ሙካኒና ማንጊ ጾሊ ኑጊዳ ሜቶ ማዢን ዋላ ጌኔ ጌኤሲ ጌሰቲኔ፤

9 ኑኡኒ ጋዒንቴ ኑ ጾኦዛሢ ሺኢቄኔ፤ ዒያቶዋ ቃዛኒ ዋንቶና ሮኦሮና ቢያ ካፓ ዓሲያ ኑኡኒ ከሴኔ።

10 ዒማና ዪሁዳ ዳራ፡- «ከዳ ኑና ላቢሲ ላቢሲኔ፤ ሃጊ ዒቁሳኒ ኮይሳ ዶዒ ባኮ ኩላ ሚርጌከ፤ ኑኡኒ ከኤሎ ዲሮ ኮሻኒ ዳንዳዒዑዋሴ» ጌዔኔ።

11 ኑ ሞርካ፡- «ኑኡኒ ዒያቶ ባኣኮ ጌሊ ዒያቶ ዋዳንዳኣና ሃሢ ማደቀ ኑ ዒያቶኮ ዒቁሳንዳኣና ዒያታ ኑና ዒሪንዱዋሴ፡ ዳንቁንዳዋሴ» ጌዔኔ።

12 ጋዓንቴ ኑ ሞርኮ ባአካ ናንጋ ዓይሁዶ ዓሳ ታጾ ማይንቴ ሙኪ ሙኪ ኑ ሞርካ ዎማይዲ ኑና ማንጋሊ ዎላ ጫአቄቴያ ፔጋሲ፡ ላተሢና ኑም ከኤዜኔ።

13 ዬያሮ ኑኡኮ ዳሮ ባአካፓ ጨንቻ ዓፓሮንታ ዎርሢንታ ሂኢሸንታ ዓርቄ ዓሲ ዓሶኮ ቶኦካፓ ቶኦካፓ ኑኡኒ ጊኢጊሺ ማዳ ጋፒባኢ ቤዘ ቢያይዳ ከኤሎ ዲሮኮ ዙሎ ዛለና ዎርዲ ዎርዲ ዴዓንዳጉዲ ታ ማሄኔ።

14 ዒማና ዳራ ካራ ባይዜሢ ታ ዛጌሢሮ ዔያቶንታ ዔያቶኮ ሱኡጎንታ ሜሌ ቢታንታ ዓአ ዓሶ ኮይላ ቢያ፡- «ኑ ሞርኮሮ ዒጊጨፖፕቴ፤ ዎዘጉዴ ዴኤፒ፡ ሃሣ ዴኤፑሞ ቦንቻ ዒጊቻ ጾኦሲ ኑኡኮ ዓአሢ፤ ጊንሣ ሃሣ ዒዚ ዒንሣኒ ዒጊኖሮ፤ ዒንሣኒ ናአቶንታ ላአሎንታሮ፤ ዒንሣኒ ማአራ ዓአ ባኮ ዛሎሮዎ ያልታንዳሢ ዔሩዎቴ» ታኣኒ ጌዔኔ።

15 ኑኡኮ ሞርካ ዔያታ ኑና ማንጊ ያላኒ ጫአቄ ጫአቄያ ኑ ዔሬሢሣ ዎይዜኔ፤ ጾኦሲ ዔያቶኮ ማሊያ ጉሪ ማሄሢያ ዔያታ ዔሬኔ፤ ዬካፓ ኑኡኒ ቢያሢ ከኤሎ ዲሮ ጊንሣ ኮሺያ ዓርቄኔ።

16 ዬማ ከላፓ ዓርቃያ ታኣኒ ጊኢጊሺ ዓሳ ዛላ ማዶ ማዳአና ዛላ ያሎ ማአዓሢ ማይንቴ፡ ዎርሢንታ ጊቴማንታ ዓርቄ፡ ሃሣ ሂኢዠዎ ዓአሢ ዎርዲዮ ካፓንዳጉዲ ታኣኒ ማሄኔ፤ ኑኡኮ ሱኡጋኢ ዒማና ዳሮ ጉቤ ዒናፓ ማአዳኔ፤

17 ከኤሎ ዲያ ኮሻ ዓሶ ቢያ ዔያታ ዶዲሻኔ፤ ሜሌ ዓታዛ ከዶ ከዳ ዓሳኢ ዓቱዎያ ፔቴ ኩጮና ማዶ ማዳያ፡ ባጎ ኩጮና ያሎ ዓንጋዎ ዓርቄ ያላኒ ጊኢጊንታኔ።

18 ሹጮና ማአሮ ማዣ ፔቴ ፔቴ ዓሳ ጨንቻ ዓፓሮ ከርና ቱኡቴ ማዳኔ፤ ዛያሢ ዎርቃሢያ ታ ኮይላፓ ሺኢኩዎሴ።

19 ዴሮና ዔያቶኮ ሱኡጎና ቢታንታ ዓአ ዓሶናም ታኣኒ፡- «ከኤሎ ዲሮ ማዳ ዴኤፒ፡ ሃሣ ኮሺ ዳልጊ ማዔም ኑ ዎሊዳፓ ሃከሢሣ ፔቴይ ባጋሢና ካአማኒ ዳንደዑዎሴ።

20 ዒንሢ ዛያ ዎርቄንታሢ ዎይዜ ዎዶና ሃንጋ ታ ባንሢ ሙኪ ቡኪንቴዎቴ፤ ኑ ያአዛሢ ኑ ዛሎ ያልታንዳኔ» ጌዔኔ፤

21 ዬያሮ ቢያ ከላ ጉቴ ዓማፓ ዴንዲ ሳዓ ሃባርቲ ዉጫሢ ከሰካንዳያ ሄላንዳኢና ዛላ ማዶ ማዳኢና ዛላ ያሎ ዓንጋዎ ዓርቄ ዔቄ ካፖ ካፓኔ።

22 ዒማና ታኣኒ ማዶ ማዳሻ ሱኡጎም፡- «ዎንቶ ዎንቶ ካታዎ ካፓኒ፡ ሮኦሮ ጊንሣ ኑኡኮ ማዶ ሂርጋባኢያ ማዳኒ ዳንዳዓንዳጉዲ ዒንሣታቴያ ዒንሣ ማአዳ ዓሳ ዎንቶ ዎንቶ ዬሩሳላሜይዳ ዴዑዎቴ» ጌዔኔ።

23 ታና ማዕቲያ ታኣና ማዳ ታ ለጋ፣ ታኣም ማዳዘንሢንታ ታና ካፓዘንሢንታ ኑኡኒ ቢያሢ ዋንቶታቲያ ማይንታ ማኣባሢ ኑ ኬሱዋሴ፤ ዩያጉዲ ኑኡኒ ዋኣዖ ዲባኣናታዖ ባንጋሞ ኑ ኩጫፓ ኑኡኒ ዲማሲ ጌሡዋሴ።

5

ማንቆ ባሶ ሄሌ ሜታሢ

1 ናንጊቤቃ ዳርፓ ሚርጌሢ ዓቲንቆንታ ላኣሎንታ ዔያቶኮ ባጊኖ ማዕ ዓይሁዶ ባሶ ባጂሢና ባጂላቴኔ።

2 ዔያቶፓ ፔቴ ፔቴዘንሢ፡- «ሚርጌ ናይ ኑኡኮ ባኣሢር ኑኡኮ ሸምፓሢ ዓይሳኒ ዳንዳባ ሃኣኮ ኑ ኮባኔ» ጌዔኔ።

3 ዛላ ሃሣ፡- «ሚርጌና ኑ ናይዳሢር ናያፓ ኑ ሸምፓሢ ዓይሳኒ ጌዒ ኑኡኮ ጎዡንታ፣ ኑ ቴኬ ዋይኖንታ ኑኡኮ ማኣርዋ ቢያ ኑ ባይሢሳንዳያ ሄላንዳኣና ኑና ማሄኔ» ጌዔኔ።

4 ሃንጎ ዛሎ ባሳ ሃሣ፡- «ኑኡኮ ጎዡና ዋይኖ ዛሎናር ካኣቲ ጊኢር ኑና ዖኦጫሢር ኑ ጨጋንዳ ቢራ ኑ ታላዔኔ፤

5 ኑኡኮ ዜርፃ ዔያቶና ፔቴኬ፤ ኑ ናኣታ ዔያቶ ናኣቶይዳፓ ዲማዳ ባኣዚ ባኣሴ፤ ያዲ ማዕቲያ ኑኡኮ ናኣቶ ዓይሌ ማሂ ዔያቶም ባንጋኒ ባቱዋ ባኣዚ ማዕኔ፤ ዩያ ሌሊቱዋንቴ ኑኡኮ ዉዲር ናኣቶይዳፓ ፔቴ ፔቴዘንሢ ዓይሌ ማዒ ሻንቸንቴኔ፤ ሃሣ ጎዡና ዋይኖ ቴኮ ቤዘና ኑኡኮ ዔውቴሢር ኑና ዛጋ ባሲ ባኣያ፣ ካራ ባይቄ ባሲ ኑ ማዕኔ» ጌይ ባጂላቴኔ።

6 ታኣኒ ባጂኖና ዩያ ጌኤዘ ዋይዛዖ ዳጋዴኔ፤

7 ታኣኒ ማዳኒ ኮይሳ ባኮ ታ ባጂና ማላዖ ዳርኮ ሱኡጎ ማዕ ቢታንታ ባኣ ባሶ፡- «ባንሢ ባንሢኮ ባጊኖ ሜታሲ፡ ሚኢሸያ ሸይቸና ጨጊሻ!» ጌይ ጎሬኔ።

ዩያ ዔያቶኮ ሜቶ ሸሌዒሶንዶ ጎይሢ ዳንቃኒ ዳር ፔቴይዳ ታኣኒ ቡኩሲ፡-

8 «ሜሌ ዳርም ሻንቸንቴ ዓይሁዶ ማዕ ኑ ባጊኖ ዛሎ ዩያ ዔያታ ሻንቸንቴ ቤዛፓ ዔያቶ ኬሳኒ ማሊሢና ኑም ዳንዳባንታ ባኣዚ ቢያ ኑ ማዴኔ፤ ባንሢ ሃሢ ሃይሾ ባንሢኮ ባጊኖ ማዕ ዓይሁዶ ባሶ ዔያቶኮ ዜርፃ ማዕ፡ ባንሢም ዔያታ ፔና ዓይሌ ማሂ ሻንቸንዳጉዲ ማሂ ማሂ ባንሢ ባኣኔ!» ጌይ ታ ዔያቶ ጎሬም ዩይ ሱኡጎ ጎዖንዶ ጎይሢ ባይዚ ዚቲ ጌዔኔ።

5:7 ኬሲ. ማፃ 22:25፤ ለዊ. ባኬ 25:35-37፤ ላሚ. ዋማ 23:19-20።

9 ታኦሲ ሃሣ ከኤዛዎ፡- «ዒንሣ ማዳ ባካ ፒዜቱዋሴ! ያኦሲ ዒቢጠሣና ፒዜ ማዳ ባካዚ ማዳኒ ዒንሣ ኮይሳኔ፤ ዋንዴ ዒንሣ ሂዴያታቲ ሜሌ ዓሶ ማዳ ኩኩ ሞርካ ኩና ሶሂ ጌሰታንዳ ባካዚ ባካያናንዳንቲኬ።

10 ዴራ ታጊዳፓ ሚኢሽ ማዳቲያ ሃኦኮ ታልዓንዳጉዲ ታ ዓይሣኔ፤ ታኦና ዋላ ማዳ ታ ላጎና ታኦም ማዳ ዓሳኦ ዬኖ ጎይዎ ማዳንዳጉዲ ታ ዓይሣኔ፤ ዓካሪ፡- «ዒንሣ ታልዔ ጋሎ ኩም ጨጉዋቲ፤ ጌይ ዔያቶ ያኦጠፃ ዓቶንጎ፤

11 ሚኢሽታቶዋ ሃኦኮ፤ ሃሣ ዋይኖና ሪሚቶ ዛይቶ ማዳቶዋ ዒንሣ ዔያቶም ታልዔሣኮ ቢያ ሸይዎ ሃሹዋቲ፤ ዔያቶኮ ጎዡንታ ዋይኖ ሚዎንታ ጊንሣ ዔያቶኮ ሪሚቶ ዛይቶንታ ማኦርንታ ቢያ ሃሣ ቤዛ ዔያቶም ማሁዋቲ» ጌዔኔ።

12 ዒማና ሱኡጋ ማሃዎ፡- «ኔ ኩና ዓይሣ ጎይዎ ኩ ማዳንዳኔ፤ ዔያቶኮ ዔከንቲ ቆሎና ዔሶ ቢያ ኩ ዔያቶም ማሃንዳኔ፤ ዔያታ ታልዔ ጋሎዋ ኩኩ ጨጉዋቲ፤ ጌይ ኩ ዔያቶ ያኦጠፃ» ጌዔኔ።

ዬያሮ ታኦሲ ቁኤሶ ጋሮ ባንሣ ዔኤላዎ ሱኡጋ ጫኦቄ ጫኦቄዋ ማዳ ኩንሣንዳጉዲ ጫኦቄሲሴኔ።

13 ዒማና ታኦሲ ማኦዒ ዓኦ ማኦዒ ከሲ ሃርፓዎ፡- «ዒንሣዳፓ ዓይጎ ዓሲያኦ ጫኦቄ ጫኦቄዋ ሃሹቶ ያኦሲ ዒዛ ሃይማይድንጎ፤ ዒዛኮ ማኦርንታ ዓኦ ባኮንታ ቢያ ዔኪ ኩቺ ጉሪ ዓይሶንጎ» ጌዔኔ።

ዒማና ዬኖ ቤዙይዳ ዓኦ ዓሳ ቢያ ፔቲ ዑኡሲና «ዓኦሚን!» ጌዒ ናንጊና ናንጎ ጎዳ ጋላቲኔ፤ ሱኡጋኦ ዔያታ ጫኦቄ ጫኦቄዋ ማዳ ኩንሣኔ።

ኔሃሚያ «ታ ዳቆ» ጌይባኦያ ማዳሣ

14 ዓርፄክሲሴ ካኦታዳንቲ ላማታማሳ ሌዓፓ ዓርቃዎ ሃይሣታሚ ላምዎ ሌዔ ሄላንዳኦና ታኦሲ ዪሁዳ ዓጮ ዋይሣሣ ማዳንቲ ታጳ ላምዎ ሌይይዳ ታኦኮ ዒቢኖ ማዳቲያ ሃሣ ታኦሲ ታ ቶኦኪና ፔቲ ዓጠ ዋይሣ ዓሲም ኮይሳ ሙኡዚ ኩ ሙይባኦሴ።

15 ታኦኮ ቤርታ ዓሶ ዋይሣያ ማዒ ድኦሪንቲ ዓሳ ቢያ ዴሮም ዴኤሣ ከዲ ማዒ ከላ ከላ ሙኡዚና ዑሽናም ዛላ ኪሎ ማዳንዳ ሹቺ ቢራ ዓሶ ጨጊሻኔ፤ ሃሣ ዬያ ዋይሣ ዓሶኮ ማዳ ዓሳታዎ ዴሮ ዑይይዳ ቢቲ ማዒ ዓሶኮ ካራ ባይዛኔ፤ ታኦሲ ጋዓንቲ ያኦሲ ዒቢጠያታሣረ ዬያጉዴ ባካዚ ማዲባኦሴ።

16 ታኦኮ ዓኦ ቆሎ ቢያ ዬሩሳላሜኮ ከኤሎ ዲሮ ጊንሣ ኮሺዎ ማዳይዳ ታ ፔኤሽያፓዓቲም ታ ታኦኮ ዓይጎ ቆሎዋ ቡኩሲባኦሴ፤ ታ ዓይላኦ ቢያ ታኦና ዋላ ማዳያ ማዳኔ፤

17 ዓሺኖ ዓጫፓ ታ ኮይላ ሙካ ሜሌ ዴራ ዓታዛ፣ ቢያ ኬሊ ታኣና ዋላ ሙዓ ዓይሁደና ዔያቶኮ ሱኡጎናኮ ፓይዳ ዌኤታና ደንጊታሚናኬ።

18 ቢያ ኬሊ ፔቲ ጌማይ፣ ላሆ ቃራ ቃራ ማራይና ሚርጌ ኮይዳኣ ሹኪ ሙዓ ታኣም ጊኢጊንታኔ፤ ሃሣ ጊንሣ ታጾ ኬሊዳ ፔቲና ዋይኔ ዑቪ ታ ዔያቶም ጊኢጊሻኔ፤ ጋዓንቲ ዴሮይዳ ዓጊንቲ ዴኤያ ኬዶ ታ ዔራሢሮ ዓጪ ዋይሣ ዓሲም ኮይላ ፔኤሺም ጪሳ ባኮ ታ ያኡጪባኣሴ።

19 ታ ያኡዛሢዮ፣ ሃያ ዴሮም ታ ማዳ ፒዙም ማዳ ቢያ ማሊጋፓ ኮሺ ባኣዚ ታኣም ማዳ።

6

ኔሃሚያ ማዳንቲ ሜሌ ጌኔ ማዳ

1 ሴንባላፃ፣ ያቢያ፣ ዓሬቦ ዓጮ ዓሢ ጌሹሚንታ ሜሌ ኦኡኮ ሞርኮንታ ኬኤሎ ዲሮ ታኣኒ ኮሺ ጋፒሴሢና ኮሺንቲዋ ዓቲ ቤሲ ባኣሢያ ዋይዜኔ፤ ያዲ ማዔቲያ ኬኤሎ ዲሮኮ ጌሎ ካሮ ዋድንደሢ ታኣኒ ዓኣሢባኣሴ።

2 ዬያፓ ዔቋያና ሴንባላፃና ጌሹሚና ያኦሮ ጌይንታ ቦኣላ ዓኣ ፕሮዶፓ ፔቲዘይዳ ኦ ካኣማንዳጉዲ ኪኢታ ታኣም ዳኬኔ፤ ዬያ ዔያታ ማዳሢ ታጊዳ ፑርታ ማዳኒ ጌኔ ማሊሢናኬ።

3 ታኣኒ ማሃዮ፡- «ታና ዑካሳ ማዳ ዓኣሢሮ ማዳ ሃሺ ዒንሢ ዓኣ ቤዘ ዋታኒ ታኣኒ ዳንዳዑዋሴ፤ ዒንሢ ኮራ ታ ሙካኒ ጌዒ ዓይጎሮ ማዳ ታ ዔቋሳንዳይ?» ጌዔኔ።

4 ዒማጉዴ ኪኢታ ዋሊ ጊንዮ ያይዲ ማይንቲ ዔያታ ታኣም ዳካዛ፣ ታኣኒያ ዓዳ ቤርታ ታ ኬኤዜ ጎይዮማ ዔያቶም ማሃኔ።

5 ዬካፓ ደንጋሶ ሴንባላፃ ፔኤኮ ማዳ ዓሶይዳፓ ፔቲሢ ኪኢቶና ታኣም ዳኬኔ፤ ዒዚ ጊዳ ፔ ማላቶ ዓይሢባኣዮ፣ ያሺያ ያሺባኣዮ ዳኬ ኪኢታ ሂዚ ጋዓያኬ።

6 «ኔናንታ ኔኤኮ ዒጊኖ ማዔ ዓይሁደ ዓሶንታ ፑርቲሞና ዋይዚ ዒዳኒ ማሊሢና ኬኤሎ ዲሮ ዒንሢ ኮሻሢ ዬያሮታሢ ኦኡኮ ዓሺኖ ማዔ ዴራ ዶንኪ ጌሰታኔ፤ ዬይ ጎኔ ማዔሢ ጌሹሚያ ዔሬኔ፤ ዬያ ሌሊቱዋንቲ ኔኤኒ ኔኤሮ ካኣታዳኒ ማሌሢና።

7 ዪሁዳ ዓጮ ካኣቲ ኔ ማዔሢ ዬሩላሚያዳ ኬኤዚንታንዳጉዲ ያኡሲ ማሊያ ኬኤዛ ዓሶ ኔ ዶኦሪሢ ቃሲ ጌሹሚ ታኣም ኬኤዜኔ፤ ዬያ ሃይሶ ካኣቲ ዋይዛንዳሢያ ዔርቲያኬ፤ ዬያሮ ኔኤና ታኣና ኦ ዋላ ካኣሚ ዬያ ባኮ ዛሎ ጌሰቲቲ ኮሺኬ» ጋዓያኬ።

8 ታኣኒ ዒማና ማሃዖ፡- «ዬይ ኔ ጋዓ ባካ ቢያ ፔቴታዖ ጎኔቱዎ፤ ሃሣ ኔኤኒ ኔኤር ከሴ ሃይሴኩ» ጌዔኔ።

9 ዬያይዲ ማዶ ኑ ዔቁሳንዳጉዲ ማሃኒ ኑና ዔያታ ዒጊቻኒ ማሌኔ፤ ዬያር ታኣኒ፡- «የኦዛሢዮ! ሃዳራ ታና ደዲሼ!» ጌይ ሺኦቄኔ።

10 ዒማና ፔ ማኣራፓ ከሰኩዋጉዲ ካራ ዑፃ ዎዲንቲ ዓኣ ማሃፃቤሎኮ ናኣዚ ናዖ፤ ዴላያ ናኣዚ ሹማዒያ ኮይላ ታ ዓኣዳኔ፤ ዒዚ ታኣም፡- «ዔያታ ኔና ዎዳኒ ዲሚና ሙካንዳሢር ኑ ዎላ ያኦሲኮ ጌኤዢ ማኣሪ ጌሊ፤ ካር ዎዳ፤ ዓኣሺንታንዳኔ» ጌዔኔ።

11 ታኣኒ ጋዓንቲ፡- «ታጉዴ ዓሲ ፑኒ ዓኣሺንቲዎሴ፤ ታኣኒ ጌኤዢ ማኣሪ ጌሊ ዓኣሺንቲ ታ ሹምፓሢ ዓይሳኒ ኮይሳኔ ጌይ ኔ ማላ? ፔቴታዖ ዬያ ታ ማዳዓኩ» ጌዔኔ።

12 ዬካፓ ዬያ ባኮ ታ ማላንቲ ዒዚ ዬያጉዴ ሉኡዙሞና ታኣም ላቲ ከኤዛንዳጉዲ ያቢያና ሴንባላፃና ሚኢሹና ዒዛ ጌሹያ ማጎንዳፓዓቲም ሹማዒያ ያኦሲፓ ዳኪንቲያ፤ ያኦሲ ማላሢ ከኤዛያቲዎኣሢ ታ ዔሬኔ።

13 ጎኔና ዒ ዬያ ባኮ ማዲያና ታና ዳቢሺ፤ ታ ዑፃ ፑርታ ሃይሴ ጌሰቲሢና ዒጊቹ ዒጊቹ ሱንዖ ታኣኮ ፑርቲሲ ታና ቦርሲሳኒ ዴሚና ሚኢሹ ዔከኔ።

14 ዬያር ታኣኒያ፡- «የኦሲዮ! ያቢያና ሴንባላፃና ማዳ ባኮ ቢያ ኔ ዛጌ፤ ዔያቶይዳ ዎጌ፤ ናዒዲያ ጌይንታ ያኦሲ ማሊያ ከኤዛ ላኣሌሎንታ ማሌ ያኦሲ ማሊያ ከኤዛ ዓሳ ታና ዒጊቻኒ ማዳ ባኮ ቢያ ማሌ» ጌይ ሺኦቄኔ።

ከኤሎ ዲር ኮሺያኮ ጋፓ

15 ማዳ ዓርቁንቲሢዳፓ ደንጊታሚ ላምዓሳ ከሊኮ ገንፃፓከ፤ ዔሉሌ ጌይንታ ዓጊና ፃኤሬንቲ ላማታሚ ደንጋሳ ከሎና ዲር ማዳ ጉቤ ማዲንቲ ጋፔኔ፤

16 ኑኡኮ ዓሺያይዳ ናንጋ ማሌ ዴር ማዔ ኑ ሞርካ ዬያ ዎይዛዖ ማዳ ኮሺ ዲቃሢ ሄርሺሳ ማዶ ማዔሢ ዔሬኔ፤ ሃሣ ዬይ ማዳ ያኦሲ ማኣዴም ማዲንቲያ ማዔሢያ ዔሬሢር ሚርጌና ዒጊጩኔ፤ ማይ ሄርሺንታኒ ዔያታ ዳንዳዒባኣሴ።

17 ዒማና ዓይሁዶ ዓሶኮ ሱኡጋ ያቢያም ሚርጌ ኪኢታ ፃኣፒ ፃኣፒ ዳካኔ፤ ዒዚያ ዔያቶም ማሃ ፃኣፓኔ።

18 ዒራሄ ናኣዚ ሹካኒያ ያቢያኮ ባይሲታሢር ዓይሁዶ ዴርኮ ሚርጌሢ ዒዛና ዎላ ሳሌ ሳላዴያ ዓኣኔ፤ ገንሣ ሃሣ ሆናኔ ጌይንታ

ዲዛኮ ዓቲንቆ ናዓሢ ቤሬኪያኮ ናኣዚ ሜሹላሜኮ ዉዲሮ ናይ ዔኬኔ።

19 ሃሃ ዴራ ዲማና ያቢያ ማጄ ኮዡ ባኮ ሄርሺ ጃጊዲ ታ ቤርታ ማዔቴያ ኬኬኤዛኔ፤ ታ ጋዓ ባኮዋ ቢያ ዲዛም ዔያታ ኬኤዛኔ፤ ዬያሮ ዲዚ ታና ዲጊቻኒ ኪኢቶ ፃኣፒ ዳኪፃፓ ጊንሢም ጌይባኣሴ።

7

1 ዬያይዲ ኬኤሎ ዲራ ኮሺንቲ ጋፔኔ፤ ዬያ ዲሮኮ ካራ ቢያ ቤዛ ቤዛ ጊኢጌኔ፤ ዬካፓ ጌኤዡ ማኣሮ ካፓ ዓሳ፣ ዓይኑም ዓይናዳ ዓሳንታ ሜሌ ሌዋ ዓሳንታም ማጄ ማጄ ቤዛ ዲንጊንቲኔ።

2 ታኣኒ ዬሩሳላሜ ካታም ዋይሣንዳጉዲ ለምዖ ዓሲ ዶኦሬኔ፤ ዬንሢያ፡- ታ ጌርሲ፣ ሃናኒና ዋርዲዮ ቤዘኮ ሱኡጋሢ ሃናኒያናኬ፤ ሃናኒያ ያኦሲ ዲጊቹምና ፒዙሞናኮ ዲዛና ቤቃ ዓሲ ባኣያኬ።

3 ዲማና ታ ዔያቶ ዓይሢሢ ዬሩሳላሜ ካታምኮ ዲሮ ካሮ ጉቴ ዓባ ያርቁ፣ ዋልዒ ሚቹዋንቴ ቡሉዋጉዲ ጌይኬ፤ ሃሃ ዲባኖ ዓባ ጌሌሰካፓ ካሮ ካፓ ዓሳ ፔ ማኣሪ ዓኣዳንዳሢኮ ቤርታ ዲሮ ካሮ ጋጋርቁ፣ ሃሃ ቁልፒ ዋዳንዳጉዲ ታ ዓይሢኔ። ዬያጉዲ ሃሃ ዔያታ ፔኤሮ ዬሩሳላሜይዳ ናንጋ ዴሮ ባኣካፓ ካፓ ዓሲ ዶኦሬ፤ ሃሃ ዬያቶይዳፓ ፔቴ ፔቴ ዓሶ ዛላ ቤሲኮ ሱኡጌ ማሂ ጌሣንዳጉዲ፣ ዓቴ ዓሶ ሃሃ ፔኤኮ ማኣሮ ካራ ካራ ዔቁ ካፓንዳጉዲ ላቲ ታ ዔያቶም ኬኤዛኔ።

ዲዲንታፓ ማዔ ዓሶኮ ሱንፃ

4 ዬሩሳላሜ ዴኤፒና ዳልጊ ካታማ ማዔኔ፤ ጋዓንቴ ዲዘይዳ ናንጋ ዴሮኮ ፓይዳ ዳካኬ፣ ሃጊ ሚርጌ ማኣሪ ማከፍንቲባኣሴ፤

5 ያኦሲ ዴሮና ዔያቶኮ ሱኡጎ ማዔ ቢታንታ ዓኣ ዓሶ ታ ቡኩሳንዳጉዲና ዔያቶ ማኣሮ ዓሶኮ ሾይንቶ ዜርፃ ፃኣፖና ጎይፃ ታ ዛጋንዳጉዲ ታና ማሊሴኔ፤ ዲማና ቤርታዲ ዲዲንታፓ ማዔ ዓሶኮ ዜርፃ ዋሊ ሄሊሲ ፃኣፖና ታ ዴንቁኔ፤ ዬይ ታ ዴንቁሢ ሃካፓ ዴማ ዓኣ ጎይፃኬ፡-

6 ዲዲንቶይዳፓ ሚርጌ ዓሲ ባብሎኔ ዓጫፓ ዔቁ፣ ዬሩሳላሜና ዪሁዳ ዓጮና ባንሢ ማዔ ማዔ ፔቴ ፔቴሢ ፔኤኮ ካታም ካታም ጌሌኔ፤ ዬኖ ዋዶና ናብካዳናፃኦሬ ዲዒ ዔኪ ዓኣዴሰካፓ ዓርቃፃ ዬኖ ዓሶኮ ማኣሮ ዓሳ ባብሎኔ ዓጫይዳ ናንጋኔ።

7 ዲዲንታፓ ዔያታ ማዔ ዋዶና ዔያቶኮ ሱኡጎ ማዔ ዓሳ፡- ዜሬባቡሌ፣ ዲያሱ፣ ኔሄሚያ፣ ዓዛሪያ፣ ሬዓሚያ፣ ናሃማኒ፣ ሜርዴኪዮሴ፣ ቤልሻኔ፣ ሚሰፔሬቴ፣ ቢግዋዬ፣ ኔሁሜንታ ቤዓናንታኬ።

8-25 ዲዒንታፓ ማዔ ዓሶኮ ፔቴ ፔቴ ቶኦካፓ ኬሰኪ ኬሰኪ ፃኦፒንቴ ዒሰራዔኤሌ ዓሶ ቶኦኮና ሾይንቶ ዜርዖ ሚርጉሞ ፓይዳ ሃካፓ ዴማ ዓኣ ጎይዖኬ፡-

ፓርዖሼ ቶኦካፓ ፃኦፒንቴ ዓሶ ላምዖ ሺያና ጭታና ለንካይታሚ ላምዖ ዓሲ

ሼፓዲያ ቶኦካፓ ሃይሣ ጭታና ለንካይታሚ ላምዖ ዓሲ

ዓራሄ ቶኦካፓ ላሆ ጭታና ደንጊታሚ ላምዖ ዓሲ

ዓያሱና ዒዮዓቤና ቶኦካፓ ማዔ ፓሃትሞዓኣቤ ቶኦካፓ ላምዖ ሺያና ሳሊ ጭታና ታጾ ሳሊ ዓሲ

ዔላኣሚ ቶኦካፓ ፔቴ ሺያና ላምዖ ጭታና ደንጊታሚ ያይዳ ዓሲ

ዛቱ ቶኦካፓ ሳሊ ጭታና ያይዲታሚ ደንጎ ዓሲ

ዛካዬ ቶኦካፓ ለንካይ ጭታና ላሂታሚ ዓሲ

ቤኦዬ ቶኦካፓ ላሆ ጭታና ያይዲታሚ ሳሊ ዓሲ

ቤባዬ ቶኦካፓ ላሆ ጭታና ላማታሚ ሳሊ ዓሲ

ዓዝጋኣዴ ቶኦካፓ ላምዖ ሺያና ሃይሣ ጭታና ላማታሚ ላምዖ ዓሲ

ዓደኒቃሜ ቶኦካፓ ላሆ ጭታና ላሂታሚ ለንካይ ዓሲ

ቢግጥዬ ቶኦካፓ ላምዖ ሺያና ላሂታሚ ለንካይ ዓሲ

ዓዲኔ ቶኦካፓ ላሆ ጭታና ደጊንታሚ ደንጎ ዓሲ

ሂዘቁያሴ ጌይንታ ዓፄሬ ቶኦካፓ ታዞጲታሚ ሳሊ ዓሲ

ሃሹሚ ቶኦካፓ ሃይሣ ጭታና ላማታሚ ሳሊ ዓሲ

ቤፃዬ ቶኦካፓ ሃይሣ ጭታና ላማታሚ ያይዳ ዓሲ

ሃሪፔ ቶኦካፓ ጭታና ታጾ ላምዖ ዓሲ

ጌባዖኦኔ ቶኦካፓ ታዞጲታሚ ደንጎ ዓሲ ፃኦፒንቴኔ።

26-38 ሃካፓ ዴማ ዓኣ ካታሞንሢዳ ናንጋ ቤርታኣ ዓደንሢ ዲዒንታፓ ማዔ ዘንሢኤ፡-

ቤቴልሄሜና ኔዖፓናይዳ ጭታና ሳሊታሚ ሳሊ ዓሲ ናንጌኔ

ዓናቶቴይዳ ጭታና ላማታሚ ሳሊ ዓሲ

ቤትዓዝማዌቴይዳ ያይዲታሚ ላምዖ ዓሲ

ቁርያትይዓሪሜይዳ፣ ኬፒራና ቤዔሮቴናይዳ ለንካይ ጭታና ያይዲታሚ ሃይሣ ዓሲ

ራማና ጌባዔናይዳ ላሆ ጭታና ላማታሚ ፔቴ ዓሲ

ሚክማሴይዳ ጭታና ላማታሚ ላምዖ ዓሲ

ቤትዔሌና ዓይናይዳ ጭታና ላማታሚ ሃይሣ ዓሲ

ላምዓሳ ኔቦይዳ ደንጊታሚ ላምዖ ዓሲ

ላምዓሳ ዔላኣሚይዳ ፔቴ ሺያና ላምዖ ጭታና ደንጊታሚ ያይዳ ዓሲ

ሃሪሜይዳ ሃይሣ ጭታና ላማታሚ ዓሲ

ዲያርኮይ ዓይህ ጭታና የይዲታሚ ደንጎ ዓሲ
ሎዴ፣ ሃዲዴና የኖናይዳ ለንካይ ጭታና ለማታሚ ፔቲ ዓሲ
ሴናዓይዳ ዓይህ ሺያና ታዞጳ ጭታና ሃይሂታሚ ዓሲ ናንጌኔ።

39-42 ዲዒንቶይዳፓ ማዔ ቁኤሶ ቶኦካ ሃይፓ ዴማ ፓይዲንታ ጎይዖኬ፡-

ዲያሱ ቶኦኮ ማዔ ዩዳዒያ ቶኦካፓ ታዞጳ ጭታና ለንካይታሚ ሃይህ ዓሲ

ዓሚሬ ቶኦካፓ ፔቲ ሺያና ደንጊታሚ ላምዖ ዓሲ
ፓሽሁሬ ቶኦካፓ ፔቲ ሺያና ላምዖ ጭታና የይዲታሚ ለንካይ ዓሲ
ሃሪሚ ቶኦካፓ ፔቲ ሺያና ታጳ ለንካይ ዓሲ ማዔኔ።

43-45 ዲዒንታፓ ማዔ ሌዊ ዓሶ ቶኦካ፡-

ሆዳውያ ቶኦኮ ማዔ ዲያሱና ቃድሚዔሌና ቶኦካፓ ለንካይታሚ የይደ ዓሲ

ዓሳኣፔ ቶኦኮ ማዔ ጌኤዡ ማኣሮይዳ ዓይኑሞ ዓይናዳ ዓሶ ቶኦካፓ ጭታና የይዲታሚ ሳሊ ዓሲ

ሻሉሚ፣ ዓጭሬ፣ ፃለሞኔ፣ ዓቁቤ፣ ሃዲፃና ሾባዬና ቶኦኮ ማዔ ጌኤዡ ማኣሮ ካፓ ዓሶ ቶኦካፓ ጭታና ሃይሂታሚ ሳሊ ዓሲ ማዔኔ።

46-56 ዲዒንታፓ ማዔ ጌኤዡ ማኣሮይዳ ማዳ ዓሶ ቶኦካ፡-

- ዲሃ፣ ሃሱፓ፣ ፃባዖቲ፣
- ቄሮሴ፣ ሲዓ፣ ፓዶኔ፣
- ሌባና፣ ሃጋባ፣ ሻልማዬ፣
- ሃናኔ፣ ጊዴሌ፣ ጋሃሬ፣
- ሬዓያ፣ ሬዲኔ፣ ኔቆዳ፣
- ጋዛሚ፣ ዑዛ፣ ፓሴሃ፣
- ቤሳዬ፣ ሜዑኒሚ፣ ኔፓሼሲሚ፣
- ባቅቡቄ፣ ሃቁፓ፣ ሃርሁሬ፣
- ባፅሊቲ፣ ሜሂዳ፣ ሃርሻ፣
- ባርቆሴ፣ ሲሴራ፣ ቲማሄ፣
- ኔፅሃና ሃዲፓናኬ።

57-59 ዲዒንቶይዳፓ ማዔ ሴሎሞኔም ማዳ ዓሶኮ ቶኦካ፡-

- ሶፃዬ፣ ሶፔሬቲ፣ ፔሪዳ፣
- ያዕላ፣ ዳርቆኔ፣ ጊዴሌ፣
- ሺፓዲያ፣ ሃዲሌ፣ ፖኬሬቲ፣
- ሃዲባይሚና ዓሞኦኔናኬ።

60 ዲዒንቶይዳፓ ማዔ ጌኤዡ ማኣሮይዳ ማዳ ዓሶና ሴሎሞኔም ማዳ ዓሶ ዜርዖኮ ሚርጉማ ሃይህ ጭታና ታዞጳታሚ ላምዖ ዓሲኬ።

61-62 ቲልሜላሄ፣ ቲልሃሪሻ፣ ኩሩቤ፣ ዓዶኔና ዒሜሬ ጌይንታ ካታሞ ዙሎ ጉርዳፓ ማዕዘንህ።- ዳላያ፣ ያቢያና ኔቆዳ ቶኦኮኮ ሚርጉማ ላሆ ዌኤታና ያይዲታሚ ለምግብ፤ ያዲ ማዕቲያ ዩንህ ቢያ ዒሰራዔኤሌ ዓሶ ዜርያ ማዕዘህ ዔርዘኒ ዳንዳዒሳ ባኣዚ ዔያቶኮ ባኣሴ።

63-64 ሃካፓ ሊካ ዴማ ዓኣ ቁኤሶ ቶኦካ ዔያቶኮ ቤርታኣ ዓዶንህ ሾይንቶ ዜርያ ጎናሲ ዔራኒ ዳንዳዒባኣሴ፤ ዩንህያ።- ሆባዬ፣ ሃቆጫና ባርዚላዬናኬ፤ ቁኤሶ ቶኦኮ ማዕ ባርዚላዬኮ ቤርታኣ ዓዳህ ጌሌዓዴ ሾይንቲ ማዕ ባርዚላዬ ቶኦካፓ ፔቲ ላኣሊሰከና ዔኬኔ፤ ዩያይዳፓ ዔቁያና ባይሲ ቶኦኮ ዳካሊ ዒ ናንጌኔ፤ ዩይ ዓሳ ዔያቶኮ ቤርታኣ ዓዶንህኮ ሾይንቶ ዜርያ ጎናሲ ዔራኒ ዳንዳዒባኣህረ ቁኤሴ ማዕ ዔያታ ማዳንዳጉዲ ዓይህንቲባኣሴ።

65 ዩያሮ ዪሁዳ ዓጮ ዎይህህ ያኦሲ ማሊያ ዲማሲ ዔርዘ ባኮና ማዳ ቁኤሴ ኬሰካንዳያ ሄላንዳኣና ያኦሲም ዒንገህ ማዕ ዒንጎ ባኮይዳፓ ዔያታ ሙዒኒ ዳንዳዒዐቆያ ማዕህ ዔያቶም ከኤኬኔ።

66-69 ዲዒንቶይዳፓ ማዕ ዴሮኮ ሚርጉማ ዎሊ ዑፃ ያይዲታሚ ለምግ ሺያና ሃይሃ ዌኤታና ላሂታሚናኬ ዓቲንቆና ላኣሎ ካራሞናኮ ፓይዳ ላንካይ ሺያና ሃይሃ ዌኤታና ሃይህታሚ ላንካይኬ፤

ያኦሲ ቦንቾም ዓይኑም ዓይናዳ ዓቲንቆና ላኣሎናኮ ፓይዳ ለምግ ዌኤታና ያይዲታሚ ደንጎ

ዔያቶኮ ፓራህ ሚርጉማ ላንካይ ዌኤታና ሃይህታሚ ላሆ

ባቁሎ ሚርጉማ ለምግ ዌኤታና ያይዲታሚ ደንጎ

ጋኣላህ ሚርጉማ ያይዳ ዌኤታና ሃይህታሚ ደንጎ

ሃሮ ሚርጉማ ላሆ ሺያና ላንካይ ዌኤታና ለምግ ለምግ ለምግ።

70-72 ፔቲ ፔቲ ማኣሮ ዓሶኮ ሱኡጋ ጌኤዦ ማኣሮ ገንህ ማኣኒ ማኣዳያ ዲማ ዲማ ባኣዚ ማዳኔ፤ ዔያቶይዳፓ ፔቲ ፔቲዘንህ።- ዓጮ ዎይህህ ሳሊ ኪሎ ማዕ ዎርቁ፣ ደንገታሚ ዔቲ ሳኣኔ፣ ደንጎ

ዌኤታና ሃይህታሚ ቁኤሳ ማኣዓ ማኣያ ማሆ ጌሃ ማኣራ ዒንጌኔ።

ዲማ ዲማ ቶኦኮ ሱኡጋ፡- ዌኤታና ላሂታሚ ሳሊ ኪሎ ማዕ ዎርቁ፣

ፔቲ ሺያና ለምግ ዌኤታና ደንገታሚ ማዕ ሹቺ ቢራ ዒንጌኔ።

ሃንጎ ዓቲ ዴራ ዌኤታና ላሂታሚ ሳሊ ኪሎ ማዕ ዎርቁ፣ ፔቲ ሺያና

ፔቲ ዌኤታና ኪሎ ማዕ ሹቺ ቢራና ላሂታሚ ላንካይ ቁኤሴ ማኣያና ዒንጌኔ።

7:65 ኪሲ. ማጻ 28:30፤ ላሚ. ዎማ 33:8።

73 ዩያይዲ፡- ቁኤሳ፣ ሌዊ ዓሳ፣ ጌኤዠ ማኣሮ ካፓ ዓሳ፣ ዓይኑሞ ዓይናዳ ዓሳ፣ ጌኤዠ ማኣሮይዳ ማዳ ማዳ ዓሶንታ ጉቤ ዒሰራዔኤሌ ዓሳ ፔ ካታማ ካታማ ዲንኪ ዴዔኔ።

8

ዒዘራ ያኦሲ ዎጎ ዴሮሞ ናባቤሢ

1 ዒሰራዔኤሌ ዴራ ላንካሳ ዓገኖና ፔኤኮ ካታማ ካታማ ጋፒ ዴዔኔ፤ ዩዮ ዓገኖኮ ዓይያ ዓቦና ዩሩሳላሜይዳ ዋኣያ ካሮ ጌይንታ ዓሳ ቡካ ጳኦኮኮ ጋሮ ዛሎና ዴራ ቢያ ፔቴይዳ ቡኪንቴኔ፤ ያኦሲ ሙሴ ዛሎና ዒሰራዔኤሌ ዴሮሞ ዒንጌ ዎጎ ናባቤ ዔሬያ ማዔ፣ ቁኤሳሢ ዒዘራ ዎጎኮ ማፃአፖ ዔያቶሞ ዔኪ ሙካንዳጉዲ ዔያታ ያኦጩኔ።

2 ዩያሮ ቁኤሳሢ ዒዘራ ላንካሳ ዓገኖና ጸኤሬ ቤርታሳ ኬሎና ማሊ ጳቂሢ ዒና ዔካኒ ዳንዳዓ ዴሮ ቢያ፣ ላኦንታ ዓቴንቆንታ ናኣቶንታ ጋርቻኣ ዓቱዋዮ ቡኪንቴ ዓኣ ቤዞ ዎጎ ማፃአፖ ዔኪ ሙኬኔ፤

3 ዩያ ዓሳ ቡካ ጳኦኮይዳ ዒዘራ ዴሮ ካሮ ኮይላ ዔቃዖ ጉቴ ዓሚፓ ዴንዲ ዓባ ሳዛ ሄላንዳኣና ዎጎ ማፃአፖ ዴግ ጌዔ ዑኡሲና ዴሮሞ ናባቤኔ፤ ዴራ ቢያ ዒማና ዒናፓ ዋይዜኔ።

4 ዒዘራ ዩያ ባኮሞ ጊኢጋንዳጉዲ ሚሢና ኮሾና ዴጌ ቤሲዳ ዔቁኔ፤ ዒማና ዒዛኮ ሚዛቆ ዛላ ዔቁ ዓሳ፡- ማቴትያ፣ ሼማዔ፣ ዓያና፣ ዑሪያ፣ ሂልቁያና ሜዕሴና ማዓዛ ሻውሎ ዛላ ሃሣ፡- ፔዳያ፣ ሚሻዔኤሌ፣ ማልኪያ፣ ሃሹሜ፣ ሃሽባዳናሄ፣ ዛካሪያሴንታ ሚሹላሚንታኬ።

5 ዒዘራ ዴሮይዳፓ ዴጊዲ ኮሾና ቤዞይዳ ዔቃዛ ቢያሢ ዒዛ ጊኻ፣ ጌይ ዛጌኔ፤ ዒዚ ዒማና ዎጎ ማፃአፖ ቡላዛ፣ ዴራ ቢያ ዴዔ ቤዛፓ ዔቁኔ፤

6 ናንገና ናንጋ ጎዳ ማዔ ዴኤፖ ያኦዛሢ ዒዘራ ጋላቴኔ፤ ዴራኣ ቢያ ዒማና ኩጮ ለካ ጫሪንጮ ባንሢ ዔቁሳዖ፡- «ዓኣሜን! ዓኣሜን!» ጌዔኔ፣ ባሊቶና ሳዖ ሄሊሲያ ያኦሲሞ ዚጌኔ።

7 ዩካፓ ዓሳ ቤርታ ዓኣ ቤዛ ዔቁኔ፤ ሄሊሳዖ ሃሣ ሃካፓ ለካ ሱንፃ ፓይዳንታ ሌዊ ዓሳ ዎጎ ማፃአፖኮ ቡሊያ ዓሶሞ ቡሊ ቡሊ ኬኤዜኔ፤ ዩንሢያ፡- ዒያሱ፣ ባኒ፣ ሼሬቢያ፣ ያሚኔ፣ ዓቁቤ፣ ሻቤታዬ፣ ሆዲያ፣ ሜዕሴያ፣ ቁሊ፣ ዓዛሪያሴ፣ ዮዛባዴ፣ ሃናኒታ ፔላያንታኬ።

8 ዔያታ ዴሮሞ ያኦሲኮ ዎጎ ማፃአፖ ናባባዖ፣ ዩይ ናባቢንቴሢ ዴሮሞ ዔርታንዳጉዲ ቡሊ ቡሊ ኬኤዛኔ።

7:73 1ያኦሲ. ዓሃኬ 9:2፤ ኔሢ. 11:3።

9 ዳራ ዬያ ዋጎ ቃኦሎ ዋይዜ ዋደና ዒና ሜቂ ዩኤኮኔ፤ ዬያሮ ዓጮ ዋይሣ፣ ኔሃሚያንታ ዋጎ ኮሺ ዔራ ቄኤሳሢ ዒዘራንታ ዳሮ ዔርዛ ለዊ ዓሰንታ፡- «ሃናኣ ኩላ ናንጊና ናንጋ ጎዳ ማዔ ዒንሢ ጾኦዛሢም ዲማዴ ኩሊታሢሮ ጾዩ ዒንሢ ዩኤካንዲያ ኮይሱዋሴ» ጌዔኔ።

10 ዒማና ኔሃሚያ፡- «ዓካሪ ሃሢ ዒንሢ ማኣሪ ማኣሪ ዓኣዲጋፓ ዒንሢኮ ዓኣ ኮዡ ሙጾ ሙይ ዑዡዋ ዑሽኩዋቴ፤ ፔቴታጾ ዔኤቢ ባኣዘንሢማኣ ፓቂ ዳኩዋቴ፤ ሃናኣ ኩላ ናንጊና ናንጋ ጎዳ ማዔ ኑ ጾኦዛሢም ዲማዴ ኩሊኬ፤ ዬያሮ ጾጭፖቴ፣ ጾኦሲኮ ዋዛ ዒንሢኮ ዋልቆኬ» ጌዔኔ።

11 ዬሮ ጾኦሲም ዲማዴ ኬሎና ዳራ ጾያንዲያ ኮይሱዋኣሢ ለዊ ዓሳ ደሮም ኬኤዚሢና ዳሮኮ ዒላቶ ዚቲዴኔ፤

12 ዬያሮ ዳራ ቢያ ዔያቶም ናባቢንቲ ቃኦሎ ዒና ዔኬሢሮ ፔ ማኣሪ ማኣሪ ዳንዲ ሙይ ዑሽኪ ዑሽኪ ሚርጌና ዋዛዴኔ፤ ሃሃ ዔያቶኮ ዓኣ ሙጾዋ ባኣ ዓሰና ዋላ ጊሽቲ ጊሽቲ ሙዔኔ፤

ወልሻ ዴማ ዴዒ ቦንቺንቲ ቦንቾ

13 ዬካፓ ዚሮ ጉቴሎ ቶኦኮ ቶኦኮ ሱኡጋ ቄኤሶና ለዊ ዓሰና ዋላ ፔቴይዳ ዋጎ ማፃኣፓ ኬኤዜ ባኮ ዔራጎ ዒዘራ ኮይላ ዓኣዴኔ።

14 ዒሰራዔኤሌ ዓሳ ዋጎ ናባባ ዋደና ላንካሳ ዓጊናይዳ ውልሻ ዴማ ዴዒ ቦንቾ ኬሊ ማዒ ቦንቺንታንዲፖዲ ዓይሢንቲያታሢ ጾኦሲ ሙሴ ዛሎና ዓይሢ ዋጎይዳ ፃኣፒንቲ ዓኣያታሢ ዴንቄኔ።

15 ዬያሮ ሃካፓ ዴማ ኬኤዚንታ ዳምቦ ጊኣጊሺ ዬሩሳላሜ ካታዋና ጉርዶ ቢያሢም ዳኬኔ፤ ዬይ ዳምባ፡- «ሌካ ጌሜሮ ኬሰኪ ዛይቶ ሪሚቶኮ ዋርቄ ካኣፖንታ ባርሴኔቴ ጌይንታ ሚጾንታ ሚኤዴንታ ሃንጎ ሚጾኮዋ ዋርቄ ካኣፖ ቲቂ ዔኪ ዬዑዋቴ፤ ዋጎ ማፃኣፖይዳ ፃኣፒንቲ ዳምቦ ጎይጾ ወልሻ ወልሹዋቴ» ጋዓያኬ።

16 ዬካፓ ዳራ ሚጾኮ ዋዶ ካኣፖ ቆዳ ቆዳ ዔኪ ሙኪ ፔኤኮ ናንጋ ጉቦ ጋራ፣ ማኣሮኮ ጾኦዚንጾዳ፣ ጌኤዡ ማኣሮኮ ዓሳ ቡካ ጳኦኮና ዋኣጾ ካሮ ጌይንታ ጳኦኮናይዳ፤ ዬያጉዲ ሃሃ ዔፕሬኤሜ ጳኦኮይዳኣ ወልሹኔ፤

17 ዲዒንታፓ ማዒ ሙኬ ዓሳ ቢያ ወልሻ ወልሹ ወልሹ ዴማ ዴዔኔ፤ ዬይ ኔዊ ናኣዚ ዒያሱ ዋዲፓ ሃንጋ ኮይሪ ማዲንቲያኬ፤ ዬይ ዬያቶ ፔቴ ፔቴሢ ኮሺ ዋዛሴኔ።

18 ቦንቾ ኬላ ቦንቺንቶ ዓርቄሰካፓ ዳንዲ ጋፖ ኬሎ ሄላንዳኣና ዒዘራ ኬላ ኬላ ጾኦሲኮ ዋጎ ማፃኣፓፓ ፔቴ ፔቴ ቤሲ ናባባኔ፤ ዬያ

8:15 ለዊ. ዓከ 23:33-36፤39-43፤ ላሚ. ዋማ 16:13-15።

ቦንቾ ከሎ ላንካይ ከሊ ጉቤ ዔያታ ቦንቾኔ፤ ዩካፓ ሳላሳ ከሎና ዋጋ ዓይሣ ጎይፆ ቦንቾ ከሎ ጋፖና ዲማዴ ቡኪንቲ ቡኪንቲኔ።

9

ዒሰራዔኤሌ ዳራ ጎሞ ቡኡፃሣ

1 ዬኖ ዓገረኮ ላማታሚ ያይዳሳ ዓቦና ዒሰራዔኤሌ ዳራ ፔቴይዳ ቡኪንቲኔ፤ ዔያታ ዒማና ፔኤኮ ጎሞ ዛሎ ዳቤያ ማዒያ ዔርዛኒ ሲዬ ፓቲሌ ማይንቲ፥ ፔኤኮ ቶኦኮይዳ ዓጪ ዋሂ፥ ሙዖ ሃሾ ዳምቦዋ ኩንሣኔ፤

2 ዔያታ ፔና ማሌ ዳርይዳፓ ዲማሴኔ፤ ዬያይዳሰካፓ ቢያሣ ዳዔ ቤዛፓ ዔቃፆ ዔያቶና ዔያቶኮ ቤርታኣ ዓድንሣና ማዴ ጎሞ ቢያ ቡኡፃኔ።

3 ዔያታ ዔቄ ቤዘማካ ዓኣንቲ ሃይሣ ሳኣቲ ጉቤ ናንገና ናንጋ ጎዳ ማዔ ዔያቶ ያኦዛሣኮ ዋጎ ማፃኣፓ ዔያቶም ናባቢንቲኔ፤ ገንሣ ሃሣ ዒማ ዔያታ ኔገማጉዳያ ኔገ ፔኤኮ ጎሞ ቡኡፂ ቡኡፂ ናንገና ናንጋ ጎዳ ማዔ ፔ ያኦዛሣም ዘገኔ።

4 ዓኢካ ለዊ ዓሶም ዔቆንዶ ዴጌ ቤሲ ኮሾናያ ዓኣኔ፤ ዬኖ ቤዘይዳ፡- ዒያሱ፥ ባኒ፥ ቃድሚዔኤሌ፥ ሹባኒያ፥ ቡኒ፥ ሹሬቢያ፥ ባኒንታ ከናኒንታ ዔቃፆ ናንገና ናንጋ ጎዳ ማዔ ዔያቶኮ ያኦዛሣ ዴግ ጌዔ ዑኡሲና ሹኢቄኔ።

5 ሃሣ ዒያሱ፥ ቃድሚዔኤሌ፥ ባኒ፥ ሃሻቤኒያ፥ ሹሬቢያ፥ ሆዲያ፥ ሹባኒያንታ ፔታህያ ጌይንታ ለዊ ዓሶንሣ፡-

«ዒንሣ ዔቄጋፓ ናንገና ናንጋ ጎዳ

ዒንሣኮ ያኦዛሣ ጋላቲዋቲ፤

ጋላታና ዓንጃናኮ ቢያ ዑሣ

ዒ ዴግ ዴገ ጎፆንጎ! ጎውዋቲ» ጌዔኔ።

ቡኡፃ ሹኢጸሣ

6 ዩካፓ ዒሰራዔኤሌ ዳራ ሃዚ ጌይ ሹኢቄኔ፡-

«ናንገና ናንጋ ጎዳሣየ! ኔኤኒ ሌሊ ያኦሲኮ፤

ጫሪንጮንታ

ጫሪንጮኮ ጫሪንጮ ዡኦጋሣንታ

ሳዖና ዒኢካ ዓኣ ባኮ ቢያ

ባዘንታ ዬያቶይዳ ዓኣ ባኮ ቢያ

ኔ ማዡኔ፤ ቢያሣም ሹምፔ ኔ ዒንጌኔ፤

ጫሪንጮ ማዡንታ ኔኤም ዘጋኔ።

7 ባብሎኔይዳ ዑራ ጌይንታ ካታሜሎይዳፓ

ዓብራሜ ዶኦሪ ሃይካ ዔኪ ሙኩሣ

ሱንጾዋ ዲዛኮ <ዓብራሃም> ጌይ ጌህህሂ
ኔኤኒ ናንጊና ናንጋ ጎዳ ጾኦሲኬ።

8 ዲዛኒ ኔኤም ጉሙርቁንቴያ ማዕራህ ኔ ዛጊ
ዲዛና ዋላ ኔ ጫእቄኔ፤
ካእናኔ ዓሳ፣ ሂኢታ ዓሳ፣
ዓሞራ ዓሳ፣ ፔርዛ ዓሳ፣
ዲያቡሳ ዓሳንታ ጌርጌሳ ዓሳንታ
ናንጋ ካእናኔ ዓጮ
ዲዛኮ ዜርጾም ናንጊ ዓጪ ማሂ
ዲንጋኒ ኔ ዲዛም ጫእቄኔ፤
ኔኤኒ ጉሙርቁንታያታሂሮ
ኔ ጫእቄሞ ኔኤኒ ደዲ ካፔኔ።»

9 «ኔኤኒ ኦኡኮ ቤርታኦ ዓድንሂ ጊብጻይዳ
ሄሌ ሜታሂ ዛጌኔ፤
ሃሃ ዘቄ ባዘ ኮይላ ዓኣዖ
ዔያቶ ኔ ማኣደም ዔያታ ኔና ሺኢቄሂ ኔ ዋይዜኔ።

10 ጊብጻ ካኦቲዳ
ዲዛኮ ቢታንታ ዓኣ ዓሶና ዓጮናይዳ
ናንጋ ዴር ቢያይዳ
ዲቃሃያ ማዕ ኔ ዋልቆና ማዲንታ ባኮ ፔጋሲ ኔ ዳዌኔ።
ዬያ ኔ ማዲሂ ዔያታ ኦኡኮ ቤርታኦ ዓድንሂ
ዋማይዲ ሄርቄ ዋይሂቴያ ኔ ዛጌሂሮኬ፤
ዬያ ኔ ማዲያና ሃሮ ሄላንዳኣና
ዴኤፑማ ኔኤኮ ዔርቴያ ማዕኔ።

11 ባዘ ዋኣዖ ኔ ዔያቶኮ ቤርታ ላምፖ ፓቄም
ዔያታ ጻኣዲ ሳዓና ፒንቄኔ፤
ሹቺ ባዘ ዋኣዖይዳ ኬኤሪንታሂጉዲ
ዔያቶ ዳውሳዘንሂ
ባዘ ዋኣዖ ዔቶይዳ ዔኪ ኔ ዓጌኔ።

12 ሮኦር ኔ ዔያቶ ፒዝ ጌይ ዔቄ ሻኦሪና ካኣሌህኔ፤
ዋንቶ ጎይፖ ዔያቶኮ ኔ ፒዝ ጌዒ ዔቄ ታሚና ፖዔኔ፤

13 ጫሪንጫፓ ሲና ዲኮይዳ ኔ ኬዲ
ዴሮና ኔኤኮ ኔ ጌሰቴኔ፤

9:7 ማዢ. ማፃ 11:31—12:1፤ 17:5። 9:8 ማዢ. ማፃ 15:18-21። 9:9
ኬሲ. ማፃ 3:7፤ 14:10-12። 9:10 ኬሲ. ማፃ 7:8—12:32። 9:11 ኬሲ. ማፃ
14:21-29፤ 15:4-5። 9:12 ኬሲ. ማፃ 13:21-22።

- ፒዜ ማዕ ዎጎና ዳምቦና
ኮሺ ማዕ ዳምቦና ዓይሢያና ኔ ዔያቶም ዒንገኔ።
- 14 ኔኤኮ ደማዴ ሃውሽ ኬሎ ዔያቶ ኔ ዔርዘኔ፤
ኔ ዓይላሢ ሙሴ ዛሎና
ኔ ዓይሢያ፡ ኔ ዳምቦንታ ኔኤኮ ዎጎንታ ኔ ዔያቶም ዒንገኔ።»
- 15 «ዔያታ ናይዳዛ ጫሪንጫፓ ሙኡዚ ኔ ዔያቶም ዒንገኔ፤
ዔኤታ ዴኤቢንታዛ ላላፓ ዋኣሢ ኔ ዔያቶም ኬሴ፤
ኔ ዔያቶም ዒንገኒ ጫኣቄ ዓጮ
ዔያታ ፔ ዳማ ማሃንዳጉዲ ኔ ዔያቶ ዓይሣ።»
- 16 ጋዓንቴ ኦኡኮ ቤርታኣ ዓደንሢ ሶቶርቃያና ዋይዚ ዒፃ ዓሲ
ማዕኔ፤
ኔ ዎጎና ናንጊያዎ ዔያታ ዒፃ፤
- 17 ዔያታ ዓይሢንታያ ማዒባኣሴ።
ኔ ዎልቆና ኔ ዔያቶ ባኣካ ማዴ ባኮ ቢያ ዔያታ ዋሌ፤
ዋይዘ ዒፃ ደዳያ ማዒ
ጊብፄ ዓይሉሞ ባንሢ ዔያቶ ዔኪ ዓኣዳንዳ
ሱኡጌ ዔያታ ደኦሬ።
ኔኤኒ ጋዓንቴ ናሹሞ ኩሜያ
ዳጋዳኒ ሩኡሩዋያ ዓቶም ጋዓያ
ኮሺ፡ ሃሣ ዓቶም ጋዓ ሶኦሲ ማዕሢሮ ዔያቶ ኔ ሃሺባኣሴ።
- 18 ናኣሪ ማሊሲ ካኣሽኮ ባኣዚ ፔኤም ዔያታ ኮሺ
<ጊብፄ ዓጫፓ ዔኪ ኦና ኬሴ ጎዳ ሃያኬ> ጌዔ፤
ዬያ ሌሊቱዋንቴ ደኤሢ ጫሺ ኔና ዔያታ ጫሽኬ፤
- 19 ጋዓንቴ ማኣሪፃ ኔኤኮ ዴኤፒታሢሮ
ዬያ ዓሳ ናንጉዎ ዳውሎይዳ
ዔያታ ባይቃንዳጉዲ ኔ ዔያቶ ሃሺባኣሴ፤
ሮኦሮና ዋንቶና ዔያቶ ዔኪ ዓኣዳንዳ
ሻኣሮ ሃሣ ጊንሣ ታሞ ፖያ ኔ ዔያቶፓ ሺኢሺባኣሴ።
- 20 ዔያቶ ዔርዘንዳ ኔኤኮ ሚጨንታ ዓያና ኔ ዔያቶም ዒንገኔ፤
ዔያታ ሙዓንዳ ማና፡ ሃሣ ዔያታ ዑሽካንዳ ዋኣሢያ ኔ
ዔያቶም ዒንገኔ።
- 21 ያይዲታሚ ሌዔ ጉቤ ዓሳ ናንጉዎ ዳውላ ዔያታ ሃንታኣና ኔ ዔያቶ
ማኣዴ፤

9:14 ኬሲ. ማፃ 19:18—23:33። 9:15 ኬሲ. ማፃ 16:4-15፤ 17:1-7፤ ላሚ. ዎማ 1:21። 9:16 ፓይ. ማፃ 14:1-4፤ ላሚ. ዎማ 1:26-33። 9:17 ኬሲ. ማፃ 34:6፤ ፓይ. ማፃ 14:18። 9:18 ኬሲ. ማፃ 32:1-4።

ዔይቶም ኮይሳ ዓይሳ ባኣዚያ ቢያ ኔ ዔይቶ ላኣገባኣሴ፤
ማኣዓሢ ዔይቶኮ ዳርዒ ጋፒባኣሴ፤
ቶኣኣ ዔይቶኮ ኪዲባኣሴ።»

- 22 «ዔይታ ሜሌ ዴር ዓጮንታ ካኣቶንታ ያሊ ባሺ
ዔይቶ ሳያኮ ዛጳ ማዓ ዓጮ ዓርቃንዳጉዲ ኔ ማሄኔ፤
ሃሴቦኦኔ ካኣቲ ሲሆኔ ዓጮ
ባኣሳኣኔ ካኣቲ ዓገ ዓጮዋ ያሊ ዔይታ ዓርቄኔ፤
- 23 ሚርጉማ ጫሪንጮ ዉጫሢጉዲ ማዔ ናይ ዔይቶም ኔ ዒንገኔ፤
ዔይቶኮ ቤርታኣ ዓድንሢም ዒንገኒ ኔ ጫኣቄ ዓጮ
ያሎና ዔይታ ባሺ ዓርቃንዳጉዲ ኔ ማሄኔ።
- 24 ናኣታ ዔይቶኮ ያሎና ባሺ ካኣናኔ ዓጮ ዓርቄኔ፤
ዔይቶኮ ቤርታ ማዒ ዒኣኣ ናንጋ ዴር ያሎና ኔ ባሽኔ፤
ካኣቶንታ ዬኖ ካኣናኔ ዓጮ ዴርናይዳ
ዔይታ ኮዔ ባኣዚ ቢያ ማዳንዳጉዲ ዋልቄ ኔ ዔይቶም
ዒንገኔ።
- 25 ኬልቄ ዲርቆና ካታሞና
ዬኖ ማሎ ዓጮኦ
ኮሺ ባኣዚና ቢያ ኩሜ ማኣር
ቦኣኪንቴ ዋኣያ ዔይቶንታ ዋይኖ ቱኮ ቤዘንታ
ሪሚቶንታ ሜሌ ዓኣፖ ዓኣፓ ሚርገጌ ሚያዋ
ቢያ ዔይታ ዔኬኔ፤
ሙዒ ሚሸኪ ዑያ ፔኤኮ ዔይታ ዲጪሴኔ፤
ኔ ኮሹሞና ኔ ዔይቶም ዒንገጌ ባኮና ቢያ ዔይታ ዋዛዴኔ።»
- 26 «ጋዓንቴ ኔ ዴራ ኔኤም ዋይዘ ዒዲ
ኔ ቃኣሎም ዓይሢንቴያዋ ዒዳኔ፤
ኔ ዋጎም ዔይታ ዋይዘ ዒዲ ዙሎ ፔኤኮ ሺርሺኔ፤
ኔ ባንሢ ዔይታ ማዓንዳጉዲ ላቲ
ዔይቶ ዔርዘ ኔ ማሊያ ኬኤዛዘንሢ ዔይታ ዋዴኔ፤
ሃሢ ቢያ ዋዴ ኔና ዔይታ ፑርታ ጫሺ ጫሽኬኔ፤
- 27 ዬያር ሞርካ ያሎና ዔይቶ ባሺ
ዔይቶ ዋይሣንዳጉዲ ዓኣሢ ኔ ዔይቶ ዒንገኔ፤
ሞርካ ዔይቶ ሄርቄ ዋይሣኔ።
ዔይቶ ሜቲ ዋድና ማኣድ ዴንቃኒ

9:22 ገይ. ማጻ 21:21-35። 9:23 ማዢ. ማጻ 15:5፤ 22:17፤ ዒያ. 3:14-17።
9:24 ዒያ. 11:23። 9:25 ላሚ. ዋማ 6:10-11።

ኔ ባንሢ ዔያታ ዒላቴኔ፤
 ኔኤኒያ ጫሪጎጫ ዓኣዖ ዔያቶም ዋይዜኔ፤
 ኔኤኮ ደኤፖ ማኣሪዖይዳፓ ዔቁያና
 ዔያቶ ሞርካፓ ዔያቶ ዓውሳንዳ ሱኡጌ ኔ ዔያቶም ዳከኔ።

28 ጋዓንቴ ኮሺ ዔያቶም ማዔ ዋዶና
 ገንሣ ዔያታ ጎሜ ማዳኔ፤
 ዬያሮ ዖሎና ዔያቶ ባሻንዳ ሞርኮም ኔ ዔያቶ ሃሼኔ፤
 ሞርካኣ ዔያቶ ዋይሢኔ፤
 ኔ ዔያቶ ማኣዳንዳጉዲ
 ገንሣ ኔና ዔያታ ዖኦጭ ዋዶና
 ኔኤኒ ጫሪጎጫ ዓኣዖ ዔያቶም ዋይዜኔ፤
 ኔኤኮ ሚጨንቶ ደኤፑማፓ ዔቁያና
 ቢያ ዋዶ ኔ ዔያቶ ዓውሴኔ።

29 ዔያታ ኔ ዋጎ ባንሢ ማዓንዳጉዲ
 ኔ ዔያቶም ላቴኔ፤
 ጋዓንቴ ዔያታ ፔ ዖቶርሙሞና ዓይሢዖ ኔኤሲ ቦሄኔ፤
 ማዲ ዔያታ ኩንሢቶ ሺምፔ ዔያቶም ዒንጋንዳ
 ኔ ዋጎ ዳቢ ጎሜ ዔያታ ማዳኔ።
 ዓኔ ባይቁሢና ዓኣፖ ካሮ ዔያታ ፔኤኮ ሺርሼኔ፤
 ዋይዚ ዒዳያ ማዒ ዶዲዖና ዋይዙዋኣያ ማዔኔ።

30 ሚርጌ ለዔ ኔ ዔያቶ ጊቤኔ፤
 ዔያቶ ዔርዛንዳጉዲ ኔ ማሊዖ ኬኤዛዘንሢ
 ኔኤኮ ዓያኖና ኔ ዔያቶም ዔቁሴኔ፤
 ጋዓንቴ ዔያታ ኔኤም ዋይዚባኣሴ፤
 ዬያሮ ዔያቶኮ ዓሺኖ ማዔ ሜሌ ዴራ ዖሎና ዔያቶ ባሻንዳጉዲ
 ዓኣሢ ኔ ዔያቶ ዒንጌኔ።

31 ገንሣ ኔኤኮ ማኣሪዖ ደኤፑማፓ ዔቁያና
 ኔ ዔያቶ ሃሺባኣሴ፤
 ኔኤኒ ኮሺ፡ ሃሣ ዓቶም ጋዓ ዖኦሲታሢሮ
 ኔ ዔያቶ ባይዚባኣሴ።»

32 «ኔኤኮ ጫኣቁሞንታ ናንጊና ናንጋ ናሹሞ ካፓ
 ደኤፖ ዋልቆና ዒጊቻ ኑ ዖኦዛሢዮ!
 ኑጊዳ፡ ኑ ካኣቶይዳ፡ ኑ ሱኡጎይዳ፡
 ኑ ቁኤሶይዳ፡ ኔ ማሊዖ ኑም ኬኤዛዘንሢዳ፡
 ኑኡኮ ቤርታኣ ማዖንሢንታ ዬያጉዲ ኔ ዴሮ ጉቤሢዳ

9:28 ሱኣጎ. ማፃ 2:11-16። 9:29 ለዊ. ዓከ 18:5። 9:30 2ካኣቶ. ማ 17:13-18፤ 2ዖኦሲ. ዓሃኮ 36:15-16።

- ዓሰኦሬ ካአቶይዳፓ ዳንዲ ሃኖ ሄለንዳአና
 ኑና ሄሌ ማጋህሂ ቢያ ማሌ።
 33 ኔ ኑጊዳ ዋጋኒ ማሊ ማዴ ባካ ፒዜኬ፤
 ኑኡኒ ዳቢንቲ ማዴያ ማዔቴያ ኔኤኒ ኔኤኮ ጉሙርቂንቲፆና
 ዶዴ ቤዛኬ።
 34 ኑኡኮ ቤርታአ ዓዶንህንታ ካአቶንታ
 ኑኡኮ ሱኡጎንታ ቁኤሶንታ
 ኔ ዋጎ ዔያታ ካፒባአሴ፤
 ኔ ዔያቶ ዓይሄ ዓይሄፆንታ ላቲፆዋ ዔያታ ዋይዚባአሴ።
 35 ዔያቶኮ ካአቶና ኔ ዔያቶም ዒንጌ ዓንጆና
 ኔ ዔያቶም ዒንጌ ዳልጎና ማሎ ዓጮናይዳ
 ዔያታ ዋዛዲ ናንጋ ዋዶናታፆ
 ኔና ዔያታ ካአሽኪባአሴ፤
 ዔያቶኮ ጎማፓአ ዔያታ ማዒባአሴ።
 36 ዬያር ኔኤኒ ኑ ዓዶንህንታ ዓአፖ ዔያታ ሙዓንዳጉዲና
 ኮሽ ባአዚና ዔያታ ዋዛዳንዳጉዲ
 ኔ ዔያቶም ዒንጌ ሳዔሎይዳ
 ሃይሾ፣ ኑ ሃኖ ካራሚ ማዔኔ።
 37 ኑ ጎሚ ማዴህሂር ኔ ፆዩ
 ኑና ዋይሃንዳጉዲ ኔ ማሄ
 ኔኤኒ ዔቂሴ ካአቶም
 ዓጮሎኮ ዓንጆ ዔያቶም ኑ ጊኢሪፆይዳኬ፤
 ዔያታ ኑኡና ኑ ቆልሞናይዳ
 ዔያቶም ኮሽኬ ባአዚ ቢያ ማዲ ኩንሣኔ፤
 ዬያይዳፓ ዔቂያና ኑ ዴኤፒ ማቶይዳኬ።»

ዴራ ጊኢጊ ዋላ ቱኬ ባኮ

38 ማዲንቲ ባኮ ቢያ ኑኡኒ ዔኤዔያ ማዒፆ ፆአፒ ጌሣነ ኑ ጌሰቴኔ፤
 ዬኖ ኑኡኮ ፆአፒ ጌሃናዘይዳ ኑኡኮ ሱኡጎንታ ሌዊ ዓሰንታ ቁኤሶንታ
 ፔኤኮ ዲማሲ ዔርዛ ማላቶ ዓይሄኔ።

10

1 ዲማሲ ዔርዛ ባኮ ዓይሄ ዓሳ ሃካሊያ ናአዚ ዓጮ ዋይሣህ
 ኔሄሚያ፣ ሴዴቂያሴ፤

2-8 ቁኤሶ ፆጳፓ፡-
 ሴራያ፣ ዓዛሪያ፣ ዔርሚያሴ፣

9:32 2ካአቶ. ማ 15:19፤29፤ 17:3-6፤ ዒዝ. 4:2፤ 10።

ፓሽሁሬ፡ ዓማሪያ፡ ማልኪያ፡
 ሃፀሹ፡ ሹባኒያ፡ ማሉኬ፡
 ሃሪሜ፡ ሜሬሞቱ፡ ዓብዲዪ፡
 ዳኣኔኤሌ፡ ጊኔቶኔ፡ ባሩኬ፡
 ሜሹላሜ፡ ዓቢያ፡ ሚያሚኔ፡
 ሜዓዝያ፡ ቢልጋዬና ሹማዒያናኬ።

9-13 ሌዊ ዓሰ ፃጳፓ፡-

ዓዛኒያ ናኣዚ ዒያሱ፡
 ሄናዳዴ ናኣዚ ቶኦኮ ማዔሢ ቢኑዬ፡
 ቃድሚዔኤሌ፡ ሹባኒያ፡ ሆዲያ፡
 ቄሊ፡ ፔላያ፡ ሃናኒ፡
 ሚካ፡ ሬሆቤ፡ ሃሻቢያ፡
 ዛኩሬ፡ ሹሬቢያ፡ ሹባኒያ፡
 ሆዲያ፡ ባኒንታ ቤኒኮንታኬ።

14-27 ዴሮኮ ሱኡጎ ፃጳፓ፡-

ፓርዖሹ፡ ፓሃትሞዓኣቤ፡
 ዔላኣሜ፡ ዛቱ፡ ባኒ፡
 ቡኒ፡ ዓዘጋኣዴ፡ ቤባዬ፡
 ዓዲኒያ፡ ቢግዋዬ፡ ዓዲኔ፡
 ዓፄሬ፡ ሂዚቁያሱ፡ ዓዙሬ፡
 ሆዲያ፡ ሃሹሜ፡ ቤፃዬ፡
 ሃሪፔ፡ ዓናቶቱ፡ ኔባዬ፡
 ማግጥዓሹ፡ ሜሹላሜ፡ ሄዚሬ፡
 ሜሹዛቤሌ፡ ፃድቁ፡ ያዲዓ፡
 ፔላዲያ፡ ሃናኒ፡ ዓናያ፡
 ሆሴዔ፡ ሃናኒያ፡ ሃሹቤ፡
 ሃሎሄሹ፡ ፒሊሃ፡ ሸቤቄ፡
 ሬሁሜ፡ ሃሻቢና፡ ማዕሴያ፡
 ዓኪያ፡ ሃናኒ፡ ዓናኒ፡
 ማሉኬ፡ ሃሪሜና ቤዓናኬ።

ጊኢጊ ዋላ ቱኮና ባኮ

28 ዓቱ ሃንጎ ዓሳ፡ ቄኤሳ፡ ሌዊ ዓሳ፡ ጌኤዠ ማኣሮ ካፓ
 ዓሳ፡ ጌኤዠ ማኣራ ያኦሲ ቦንቾሞ ዓይኑሞ ዓይናዳ ዓሳ፡ ጌኤዠ
 ማኣሮይዳ ማዳ ዓሳ፡ ያኦሲ ዋጎሞ ዓይሢንታያ ማዔ ኑ ዓሽኖይዳ
 ናንጎ ሜሌ ዓጮ ዴሮይዳፓ ፔና ዲማሴ ዓሳ ፔኤኮ ላኣሎንታ
 ዓቱንቆንታ ዉዴሮ ናኣቶንታ ዋላ፡

29 ዬያታ ቢያ ፔኤኮ ጌርሲንሢ ማዔ ሱኡጎና ዋላ ፔቱ ማዒ
 ያኦሲ ዓይላሢ ሙሴ ዛሎና ዒንጊንቱ ናንጊና ናንጋ ጎዳ ማዔ ኑ

ጾክዛሢኮ ዓይሢያም፣ ዎጎና ዳምቦናም ቢያ ዓይሢነታያ ማዓኒ «ዓይሢነቲባኣቲ ኑና ባይዘም!» ጌይ ጫኣቄኔ።

30 ኑ ዓሺናይዳ ዓኣ ሜሌ ዳርም ኑኡኮ ዉዲር ናኣቶ ዔያቶኮ ዓቲንቆ ናኣቶም ኑ ዒንጋኑቀኣሢና ዔያቶኮ ዉዲር ናኣቶ ኑኡኮ ዓቲንቆ ናኣቶም ኑ ዔካኑቀኣሢያ ጫኣቄኔ።

31 ሜሌ ዓጮ ዳራ ሃውሾ ኬሎና ማዔቴያ ሜሌ ቦንቾ ኬሎና ሃኣኮቀ ማም ሜሌ ኮርሞም ማዓ ባኣዚ ዔኪ ሙከቴ ዔያቶይዳፓ ኑ ሻንቃዓ።

ሃሃ ላንካሳ ሌዖይዳ ሌዖይዳ ኑ ጎሽካ ሳዖ ጎሽኩቀዖ ሃሻንዳኔ፤ ኑ ዓሲም ታልዔ ጋሌ ዓኣቲያ ዒዞ ሌዖይዳ ኑ ሃሻንዳኔ።

32 ሌዓ ሌዓ ጌኤዦ ማኣር ማደም ማዓንዳያ ኑኡኒ ፔቴ ፔቴሢ ኑኡኮ ዓኣ ቢራፓ ሃይሃ ኩቺፓ ፔቴማ ዔኪ ሙከ ኑ ዒንጋንዳኔ።

33 ዬያጉዲ ሃሃ ጌኤዦ ማኣር ማደም ሃካፓ ሊካ ዓኣ ባኮ ኑ ከንሢ ሸኢሻንዳኔ፡- ዬይ ባካ ጾኦም ዲማደ ካሃ፡ ቢያ ኬላ ኬላ ዒንጋኒ ኮይሳ ሃኣኮ ዒንገይ፡ ሚቺ ዒንጎ ዒንገይም ማዓ ቆልሞ፡ ሃውሾ ኬሎንታ ዓገና ዌኤርንታ ሜሌ ቦንቾ ኬሎም ሸኢሻ ባኮ፡ ጾኦም ዲማደ ዒንገይ ሜሊሢ ቢያ፡ ዒሰርዔኤሌ ዓሶኮ ጎሞ ጌኤሻኒ ዒንገንታኒ ኮይሳሢና ጌኤዦ ማኣር ማደም ኮይሳ ሜሌ ባኮ ቢያ ኑ ፓጪሳዓኔ።

34 ዎጎይዳ ሚቺ ዒንጎ ባኮ ዛሎኮ ፃኣፒንቴ ጎይያና ናንገና ናንጋ ጎዳ ማዔ ኑ ጾክዛሢም ዒንገንታ ባኮ ሚቾንዶ ሃንፂሎ ዎኖ ቶኦካ ዒንጋኒ ኮይሳቲያ ኑኡኒ፡ ዳራ፡ ቄኤሶንታ ሌዊ ዓሶንታ ሌዓ ሌዓ ዒፃ ዓገሢና ኑ ዲማሳንዳኔ።

35 ማኣሎ ኑኡኮ ኑ ቡራኣና ዲማ ዲማ ሚጾኮ ዓኣፖ ኑ ማንፃ ዓገናና ቤርታ ካፄ ቲሻሢ ጌኤዦ ማኣሪ ዔኪ ሙከ ሙከ ኑ ዒንጋንዳኔ።

36 ኑኡኒ ፔቴ ፔቴሢ ሾዓ ዓቲንቆ ናኣቶኮ ቶይዶ ዔኪ ጌኤዦ ማኣርይዳ ማደ ቄኤሳሢም ሸኢሻሢሢና ዎጋ ዓይሢ ጎይያ ጾኦም ዲማደ ኑ ማሃንዳኔ፤ ሃሃ ኑኡኮ ባኣቶና ማራቶና ዎኣርናይዳፓ ሾይንታ ናኣርንታ ማራናኣቶንታ ዎናናኣቶንታኮ ቤርታሳዞንሢ ቢያ ጾኦም ኑ ዲማሳንዳኔ።

10:30 ኬሲ. ማፃ 34:16፤ ላሚ. ዎማ 7:3። 10:31 ኬሲ. ማፃ 23:10-11፤ ላዊ. ዓከ 25:1-7፤ ላሚ. ዎማ 15:1-2። 10:32 ኬሲ. ማፃ 30:11-16። 10:35 ኬሲ. ማፃ 23:19፤ 34:26፤ ላሚ. ዎማ 26:2። 10:36 ኬሲ. ማፃ 13:2።

37 ኑኡኒ ቡኩሴ ሃኣኮኮ ቤርቶ ዲኢሎ ዔኪ ጌኤዢ ማኣራ ማዳ ቁኤሳሢሞ ኑ ዲንጋንዳኔ፤ ሜሌ ሃሣ ዎይኖ ዑዣ፣ ዛይቶ ሪሚቶንታ ዩያጉዴ ባኮ ዓኣፖኮ ቢያ ቤርቶ ጾኑሲም ዲንጋኒ ኑ ሺኢሻንዳኔ።

ኑኡኮ ጎዢ ዛሎ ጊኢሮ ጊኢሪሻ ሌዊ ዓሶም ኑኡኮ ጎዢ ካዲሳ ሃኣኮይዳፓ ታጾኮ ፔቲ ኩቲቲ ኑ ዲንጋንዳኔ።

38 ታጾፓ ፔቲማ ዲንጊንታ ዎደና ሾይንታ ዓኣሮኔ ፃጳፓ ማዔ ቁኤሳ ሌዊ ዓሶና ዎላኬ፤ ጌኤዢ ማኣሮ ማዶም ሌዊ ዓሳ ታጾፓ ፔቲማ ቡኩሲሳሢኮ ጊንሣ ታጾሢኮ ፔቲማ ኬሲ ኬሲ ጌኤዢ ማኣሮኮ ሚሆ ጌሦ ማኣሮ ጌልዘንዳኔ።

39 ዲሰራዔኤሌ ዴርንታ ሌዊ ዓሶንታ ሃኣኮይዳፓ፣ ዎይኖ ዑዣና ሪሚቶ ዛይቶናይዳፓ ቡኩሶና ዲንጊያ ጌኤዢ ማኣራ ማዳ ማዲንቶ ሚሃ ጌሢንታ ቤዞ፣ ዲኢካ ማዳ ቁኤሶንታ ካፓ ዓሶንታ ዓይኑሞ ዓይናዳ ዓሳኣ ዴይ ሃውሻ ቤዞ ማዔ ሚሆ ጌሦ ማኣሮ ዔኪ ዩዓንዳያ ኮይሳኔ።

ኑ ጾኣዛሢኮ ማኣሮ ፔቲታጾ ኑኡኒ ዎላዓኬ።

11

ዩሩሳሌሜይዳ ናንጋ ዴር

1 ሱኡጋ ፔኤኮ ናንጎ ቤዞ ዩሩሳሌሜይዳ ማሄኔ፤ ሃንጎ ዓቲ ዴር ባኣካፓ ታጾ ማኣሪ ዓሲዳፓ ፔቲማ ጾኑሲም ዴማዴ ዩሩሳሌሜ ካታሞይዳ ናንጋንዳጉዲ ዲፃ ዓጊሢና ዶኦሪንቲኔ፤ ሃንጎ ዓቲ ዴራ ጋዓንቲ ሜሌ ጉርዶና ካታሞናይዳ ቢያ ናንጎ ፔኤኮ ማሄኔ።

2 ዴራ ዲማና ዩሩሳሌሜይዳ ፔ ማሊሢና ናሽኪ ናንጋኒ ማሊፃ ዓኣ ዓሶ ቢያ ጋላቲኔ።

3 ጊንሣ ሃሣ ሜሌ ጉርዶና ካታሞናይዳ ናንጋ ዲሰራዔኤሌ ዴራ ቁኤሶንታ ሌዊ ዓሶንታ ጌኤዢ ማኣራ ማዳ ዓሶንታ ሴሎሞኔም ማዶ ማዳ ዓሶ ዜርያንታ ፔኤኮ ጉርዳኣ ጉርዳ ዔያቶኮ ዓኣ ቤዞ ናንጌኔ።

ዩሩሳሌሜይዳ ናንጋ ዩሁዳ ዓጮ ሱኡጎኮ ሱንፃ ሃካፓ ዴማ ዓኣ ጎይያኬ፤

4 ዩሁዳ ዜርያ ዓሳ፡-

ዛካሪያሴ ናኣዚ ናያ ማዔ፣ ዑዚያ ናኣዚ ዓታያ፤ ሜሌ ዲዛኮ ቤርታኣ ማያንሢ ማዔ ዩሁዳ ናኣዚ ፓራሴ ዜርያ ማዔዘንሢ ዓማሪያ፣ ሺፓዲያንታ ሚሃላሊዔሌንታኬ።

5 ኮልሆዜኮ ናኣዚ ናዖ ባሩኬ ናኣዚ ማዒሴያ፤ ሜሌ ዒዛኮ ቤርታኣ ዓደገሢ ማዔ ዪሁዳ ናኣዚ ሼኤላ ዜርዖገሢ ሃዛያ፡ ዓዲያ፡ ዮያሪቤንታ ዛካሪያሴንታኬ።

6 ፓርሴ ዜርዖ ባኣካፓ ዖልዚና ዔርቲያ ማዔ ዖይዶ ዪኤታና ላሂታሚ ሳሊ ዓሲ ዬሩሳላሚይዳ ናገገኔ።

7 ቢኢኒያሜ ዜርዖ ዓሳ፡-

ዮዳሄኮ ናኣዚ ናዖ ሜሹላሜ ናኣዚ ሳሎ፤ ዒዛኮ ቤርታሳ ማዖገሢ፡- ፔዳያ፡ ቆላያ፡ ማዒሴያ፡ ዒቲዔኤሌንታ ሻዒያንታኬ።

8 ሳሎኮ ዑኬ ዒጊኖ ማዔ ዓሳ፡-

ገባዬና ሳላዬና፤ ዔያታ ዎሊ ዑፃ ታዞጳ ዪኤታና ላማታሚ ሳሊ ማዓ ቢኢኒያሜ ዓሲ ዬሩሳላሚይዳ ናገገኔ።

9 ዚኪሪ ናኣዚ ዒዩዔኤሌ ዔያቶኮ ሱኡጋሢ ማዓዛ፡ ሃሴኑዓ ናኣዚ ዪሁዳ ዒዛኮ ዴማ ላምዓሳሢ ማዓ ቢታገቶ ዓኣያኬ።

10 ቄኤሳ፡-

ዮያሪቤ ናኣዚ፡ ያኪኔ ናኣዚ፡ ዪዳዒያ፤

11 ሜሹላሜኮ ናኣዚ ናዖ ሂልቂያ ናኣዚ ሴራያ፤ ዒዛኮ ቤርታኣ ዓደገሢ ፃዶቂኔ፡ ሜራዮቲንታ ቄኤሶ ቢያኮ ዑፃሢ ማዔ ዓሂፀ-ቤንታኬ።

12 ዬና ቶኦኮይዳፓ ዎሊ ዑፃ ሳሊ ዪኤታና ላማታሚ ላምዖ ዓሲ ጌኤዦ ማኣሮይዳ ማዳኔ።

ፔላሊያኮ ናኣዚ ናዖ ዬሮሆሜ ናኣዚ ዓዲያ፤ ዒዛኮ ቤርታኣ ማዖገሢ ዓሞዒኔ፡ ዛካሪያሴ፡ ፓሽሁሬንታ ማልኪያንታኬ።

13 ዬና ቶኦኮይዳፓ ዎሊ ዑፃ ላምዖ ዪኤታና ዖይዲታሚ ላምዖ ዓሲ ዔያቶኮ ማኣሮ ዓሶ ሱኡጎኬ።

ዓሀዛዬኮ ናኣዚ ናዖ ማዔ ዓዛርዔኤሌ ናኣዚ ዓማሽሳዬ፤ ዒዛኮ ቤርታኣ ማዖገሢ ሚሽሌሞቲና ዒሜሪናኬ።

14 ዒዛኮ ጌርሲገሢ ድኦሪንታኣና ዔርቲፖኦሊሴ ማዔ ዓሶገሢኮ ሚርጉማ ዪኤታና ላማታሚ ሳሊኬ፤ ዔያቶኮ ሱኡጋሢ ሃጌዶሊሜ ናኣዚ ዛብዲዔኤሌኬ።

15 ሌዊ ዓሳ፡-

ዓዛሪቃሜኮ ናኣዚ ሃሹቤ ናዖ ሹማዒያ፤ ዒዛኮ ቤርታኣ ማዖገሢ ሃሻቢያንታ ቡኒንታኬ።

16 ሻቤታዬና ዮዛባዴ ጌይንታ ሌዊ ዓሶኮ ሱኡጋ ጌኤዦ ማኣራቱዎንቲ ዙላ ማዳንታ ባኮኮ ቢያ ሱኡጎገሢኬ።

17 ዓሳኦፔ ዜርያ ዲጊናፓ ሾይንቴ ዛብዲኮ ናፖ ሚካ ናኣዚ ማታኒያ ጌኤዠ ማኣሮይዳ ጋላቶ ሺኢጲያ ሺኢቂ ዓይኑሞ ዓይናዳ ዓሳኮ ሱኡጋሢኬ፤ ባቅቡቄ ጎፖሢ ማታኒያኮ ዴማ ማዒ ማዳያኬ፤

ሜሌሢ ሃሣ ዪዱቴኔ ዜርፃፓ ሾይንቴ ጋላሌኮ ናፖ ሻሙዓ ናኣዚ ዓብዳኬ፤

18 ሌዊ ዓሳ ዲጊናፓ ዋሊ ዑፃ ላምፖ ጃኤታና ሳሊታሚ ፖይዶ ዓሲ ፆኦሲም ዲማዴ ካታሜሎ ዩሩሳላሜይዳ ናጎጋኔ።

19 ጌኤዠ ማኣሮ ካፓ ዓሳ፡-

ዓቁቤ፥ ፃልሞኔንታ ዔያቶኮ ዲጊና ዋሊ ዑፃ ጃኤታና ላንካይታሚ ላምፖኬ።

20 ዓቲ ዒሰራዔኤሌ ዴሮንታ ቄኤሶንታ ሌዊ ዓሳኣ ዓቲሞፖ ዓኣ ዔያቶኮ ዓጮ ዓርቄ ጎይሣ ማዒ ሃንጎ ዪሁዳ ካታሞይዳ ናጎጋኔ።

21 ጌኤዠ ማኣሮይዳ ማዳ ዓሳ ዩሩሳላሜ ካታሞኮ ፔቴ ዛላ ፖፔሌ ጌይንታ ጌሜራ ናጎጋኔ፤ ጂሃና ጊሸፓ ጌይንታ ዓሳ ዔያቶ ዛጊ ማዳ ማዳሻኔ።

22 ዩሩሳላሜይዳ ናጎጋ ሌዊ ዓሳ ሱኡጋሢ ሃሻቢያኮ ናኣዚ ባኒ ናፖ ዑዚኬ፤ ዒዛኮ ቤርታኣ ዓድንሢ ማታኒያንታ ሚካንታኬ፤ ዒዚ ጌኤዠ ማኣሮይዳ ዓይኑሞ ዓይናዳ ዓሳ ሱኡጋሢ ዓሳኦፔ ዜርሢኬ።

23 ቢያ ኬላ ኬላ ዓይናዳንታ ዓይኑማ ዋሊ ሄሊ ሄሊ ማዓንዳጉዲ ካኣቲ ዓይሣ ዓይሥሢ ዓኣኔ።

24 ዪሁዳ ፃጳፓ ዛራሂ ቶኦኪ ማዔ ሚሽዛቤሌ ናኣዚ ፔታህያ ዒሰራዔኤሌ ዴሮ ዛሎ ፓርሴ ካኣቲ ጌሣም ጌሰታ ዓሲኬ።

ሃንጎ ጉርዶና ካታሞናይዳ ናጎጋ ዴሮ

25 ዴሮይዳፓ ሚርጌሢ ናጎጋሢ ጎዡኮ ዑኬ ዓኣ ጉርዶይዳኬ፤ ዩያሮ ዪሁዳ ዜርፃ ማዔዞንሢዳፓ ፔቴ ፔቴዞንሢ ዓርባዒ ካታሞና ኮይላ ዓኣ ጉርዶናይዳ፤ ጊቤና ዪቄብጂዔኤሌ ጌይንታ ካታሞንሢና ኮራ ዓኣ ጉርዶናይዳ ናጎጋኔ፤

26 ዩያጉዲ ሃሣ ዒያሱ፡ ሞላዳ፡ ቤትጳሌፃና

27 ሃፃርሹዓሌ ጌይንታ ካታሞንሢዳ ናጎጋኔ፤ ዩያ ሌሊቱሞንቴ ቤርሳቤና ኮርይዳ ዓኣ ጉርዳ ዔያቶኮ ናጎጎ ቤዞኬ፤

28 ጂቅላጌ ካታማ፡ ማኮናና ኮርይዳ ዓኣ ጉርዳ፡

29 ዔንሪሞኔ፡ ጃሪዓ፡ ያርሙቴ፡

30 ዛኖሃንታ ዓዲላሜንታ ጌይንታ ዩንሢ ካታሞንሢና ኮይላ ዓኣ ጉርዶናይዳ ናጎጋኔ፤ ሃሣ ላኪሽና ኮይሎይዳ ዓኣ ጎዡ ቤዞ፡ ዓዜቃና ኮይሎይዳ ዓኣ ጉርዳ ቢያ ዔያቶኮ ናጎጎ ቤዞኬ፤ ዩያይዲ ዪሁዳ

ዳርባ ስንገሳ በዛ ደኑሎ ዛሎና በርሳቤገ ከደ ዛሎና ሄኖሜ ደኑጫ ማሃዛ ዓኣ በዛ ጋሮይዳኬ።

31 በኢሊያሜ ዳራ ስንገሳ በዛ ሃሃ፡- ጌባዔ፡ ሚክሚሳ፡ ዓዬ፡ በኤቴኤሌና ኮይሎይዳ ዓኣ ጉርዶይዳኬ፤

32 ገንሣ ሃሃ ዓናቶቴ፡ ኖቤ፡ ዓናኒያ፡

33 ሃያሬ፡ ራሚ፡ ገታይሜ፡

34 ሃዲዳ፡ ያቦዲሜ፡ ኔባላጭ፡

35 ሎዴና፡ ያኖ፤ ዬያጉዲ ሃሃ «ገታሢ ደኑጫ» ጌይንታ በዛ ቢያ ዔያቶኮ ስንገሳ በዘኬ።

36 ዪሁዳ ዓጮይዳ ስንገሳ ሌዊ ዓሶ ባኣካገ ፔቴ ፔቴዘንሢ በኢሊያሜ ዳርና ዋላ ስንገሳገዳጉዲ ማሆናኔ።

12

ቄኤሶና ሌዊ ዓሶናኮ ሱንያ

1 ሳላቲያሌ ናኣዚ፡ ዜሬባቡሌና ቄኤሶ ቢያኮ ዑፃሢ ዲያሱና ዋላ ዲዒንታገ ማዔ ቄኤሶና ሌዊ ዓሶናኮ ሱንያ ሃካገ ዳማ ዓኣ ጎይያኬ፤

2-7 ቄኤሳ፡-

ሴራያ፡ ዔርሚያሴ፡ ዒዝራ፡

ዓማሪያ፡ ማሉኬ፡ ሃፁሼ፡

ሼካኒያ፡ ሬሁሜ፡ ሜሬሞቴ፡

ዒደ፡ ገኔቶኔ፡ ዓቢያ፡

ሚያሚኔ፡ ሚዓዲያ፡ ቢልጋ፡

ሼማዒያ፡ ዮያሪቤ፡ ዪዳዒያ፡

ሳሉ፡ ዓሞኬ፡ ሂልቂያንታ ዪዳዒያንታኬ።

ዬንሢ ቄኤሶንሢ ቄኤሶ ቢያኮ ዑፃሢ፡ ዲያሱ ዋዶና ዔያቶኮ ዒጊኖ ቄኤሶኮ ሱኡጎ ማዔዘንሢኬ።

8 ሌዊ ዓሳ፤

ያኑሲ ቦንቸሞ ጋላቶ ዓይኑሞ ዓይናዳ ዓሶኮ ሱኡጎ ማዔ ሌዊ ዓሳ፡- ዲያሱ፡ ቢኑዬ፡ ቃድሚዔኤሌ፡ ሼሬቢያ፡ ዪሁዳንታ ማታኒያንታኬ።

9 ባቅቡቂያ፡ ዑሞንታ ሃንጎ ዔያቶኮ ጌርሲንሢ ማዓ ሌዊ ዓሳንታ ዔያቶና ዋላ ዋሊ ዓኣሢ ዓኣሢ ዓይኑሞ ዓይናዳኔ።

ቄኤሶ ቢያኮ ዑፃሢ ዲያሱ ዜርያ

10 ዲያሱ ዮያቂሜ ሸዓዛ ዮያቂሜ ዔሊያሺቤ፡ ዔሊያሺቤ ዮያዳዔ ሸዔኔ፤

11 ዮያዳዔ ዮናታኣኔ ሸዔኔ፤ ዮናታኣኔ ያዱዓ ሸዔኔ።

ቄኤሶ ቶኦኮኮ ሱኡጎ

12-21 የኃቂሜ ቄኤሶ ቢያኮ ዑፃሢ ማዒ ዓኣ ዎዶና ሃካፓ ደማ
 ዓኣ ቄኤሳ ቄኤሶ ቶኦኮኮ ሱኡጎንሢኬ፡-
 ሴራያ ቶኦኮኮ ቄኤሳሢ ሚራያ
 ዔርሚያሴ ቶኦኮኮ ቄኤሳሢ ሃናኒያ
 ዒዝራ ቶኦኮኮ ቄኤሳሢ ሚሹላሚ
 ዓማሪያ ቶኦኮኮ ቄኤሳሢ ዩሆሃናኔ
 ሚሉኪ ቶኦኮኮ ቄኤሳሢ ዮናታኣኔ
 ሸካኒያ ቶኦኮኮ ቄኤሳሢ ዮሴፔ
 ሃሪሚያ ቶኦኮኮ ቄኤሳሢ ዓዲና
 ሚራዮቴ ቶኦኮኮ ቄኤሳሢ ሂልቃዬ
 ዒዶ ቶኦኮኮ ቄኤሳሢ ዘካሪያሴ
 ጌኔቶኔ ቶኦኮኮ ቄኤሳሢ ሚሹላሚ
 ዓቢያ ቶኦኮኮ ቄኤሳሢ ዚኪሪ
 ሚንያሚኔ*
 ሞዓዲያ ቶኦኮኮ ቄኤሳሢ ፒልፃዬ
 ቢልጋ ቶኦኮኮ ቄኤሳሢ ሻሙዓ
 ሸማዒያ ቶኦኮኮ ቄኤሳሢ ዮሆናታኣኔ
 ዮያሪቤ ቶኦኮኮ ቄኤሳሢ ማትናዬ
 ዪዳዒያ ቶኦኮኮ ቄኤሳሢ ዑዚ
 ሳላዬ ቶኦኮኮ ቄኤሳሢ ቃላዬ
 ዓሞቄ ቶኦኮኮ ቄኤሳሢ ዔቤሪ
 ሂልቂያ ቶኦኮኮ ቄኤሳሢ ሃሻቢያ
 ዪዳዒያ ቶኦኮኮ ቄኤሳሢ ናቴናዔኤሌኬ።

ቄኤሶና ሌቂ ማኣሮ ዓሶናኮ ሱንፃ ፃኣፒንቴ ዓኣ ማዘጋገ።

22 ዔሊያሺቤ፡ የኃዳዔ፡ ዮናታኣኔና ያዲዓ ጌይንታ ቄኤሶ ቢያኮ
 ዑፃ ማዔዘንሢ ዓኣ ዎዶና ሌቂ ዓሶንታ ቄኤሶ ማኣሮ ዓሶንታኮ
 ሱኡጋ ዲማዲ ዔርታንዳ ፃኣፖና ባኣዚ ጌኢጊሺንቴኔ፤ ዬና ጌኢጊሺ
 ፃኣፖናዘ ዳኣሪዮሴ ፓርሴ ዓጮይዳ ካኣታዲ ዓኣ ዎዶናኬ።

23 ጋዓንቴ ሌቂ ማኣሮ ዓሶኮ ሱኡጋ ፔጌና ፃኣፒንቴ ዔርቴሢ
 ዔሊያሺቤኮ ናኣዚ ናፃ ማዔ ዮናታኣኔ ሸምፔና ዓኣ ዎዶማና
 ሌሊኬ።

ጌኤዠ ማኣሮ ማዶ ፓቂ ዒንጎና ጎይፃ

24 ሌቂ ዓሳ፡ ሃሻቢያ፡ ሸሪቢያ፡ ዒያሱ፡ ቢኑዬንታ
 ቃድሚዔኤሌንታ ሱኡጋቶና ላሞፃ ቤሲ ፓቂንቴ። ዬንሢ ላሞፃ
 ፓቂንቴዘንሢ ፆኦሲ ዓሢ ማዔ፡ ካኣቴ ዳውቴ ዓይሢ ዳሞሶ ጎይፃና

* 12:12-21 ዔብሪ ዓሶ ሙኤጮ ማፃአፖይዳ ሃና ቤዛ ሱንሢ ዓሲኮ ባኣሴ።

ዋለም ዓላሢ ዓላሢ ያኑሲ ቦንቾም ጋላቶ ዓይኑም ዓይናዲ ያኑሲ ዔይታ ጋላታኔ።

25 ጌኤዡ ማኣርኮ ከኤሎ ዲያ ካር ኮይላ ማዢንቴ ሚሆ ጌሃ ማኣር ካፓዞንሢ፡- ማታኒያ፡ ባቅቡቂያ፡ ያባዲያ፡ ሚሹላሜ፡ ፃልሞኔና ዓቁቤ ጌይንታዞንሢኬ።

26 ዬንሢ ዒዮጫዳቄኮ ናኣዚ ናዖ ማዔ ዒያሱ ናኣዚ ዮያቂሜ፡ ዓጮ ዋይሣ ኔሃሚያንታ ዋጎ ዛሎ ኮሺ ዔራ ቄኤሳሢ ዒዢራ ዓኣ ዋዶና ማዶም ጌሃናዞንሢኬ።

ዬሩሳላሜ ካታሞኮ ከኤሎ ዲያ ኮሺንቴሢረ ቦንቾንቴ ቦንቾ

27 ዬሩሳላሜ ካታሞኮ ዲያ ኮሺ ጋፒሶናሢረ ቦንቾንቴ ዓቦና ሌዌ ዓሳ ሂቾንታ ሚርጌ ሻዡ ዴንሢ ዋርቆ ጎኦሎና ፔቴ ሻዡ ዴንሢ ዋርቆ ጎኦሎና ዋርቂ ዋርቂ ቦንቾንግዳጉዲ ዔይታ ናንጋ ቤዛፓ ኮይንቴ ሙኬኔ።

28 ዬኖ ቦንቾ ከሎ ቦንቻኒ ሌዌ ማኣር ዓሶፓ ያኑሲ ቦንቾም ዓይኑም ዓይናዳዞንሢ ቢያ ዲንኪ ዴዒ ዓኣ ቤዞ ዬሩሳላሜ ኮይሎና ኔያፓ ጌይንታ ቤዞናኮ ዳኮ ዳኮ ካታማፓ፡

29 ቢትጊልጋሌ፡ ጌባዔንታ ዓዝማቂቴንታፓ ቡኪንቴ ሙኬኔ፤

30 ዓማና ቄኤሶና ሌዌ ዓሶና ፔ ዛሎንታ ዴር ዛሎንታ ካታሜሎኮ ጌሎ ካርንታ ዲርንታኮ ጌኤሺያ ዳምቦ ማዲ ኩንሢኔ።

31 ታኣኒ፡ ኔሃሚያ ሹጮ ከኤሎ ዲያ ዑያ ዪሁዳ ዓሶኮ ሱኡጎ ከሴሰካፓ ዓይናዳ ዓሶ ላምፖ ዴኤፒ ዴኤፒ ቤሲ ፓቂ ያኑሲ ቦንቾም ጋላታ ዓይኑም ዓይናዳንግዳጉዲ ማሄኔ፤

ቤርታሲ ታኣኒ ከሴ ዓሳ ከኤሎ ዲያ ዑያና ጌይ ሚዛቆ ዛላ ዓኣ ቡኡር ላኣሎ ቤዞ ባንዖና ዴንዴኔ፤

32 ዬካፓ ሆሻዒያና ዓይሁዶ ዓሶኮ ሱኡጎና ዔያቶ ጊንያ ዓኣዴኔ።

33-35 ሃሃ ዓዛርያ፡ ዒዢራ፡ ሚሹላሜ፡ ዪሁዳ፡ ቢኢኒያሜ፡ ሸማዒያንታ ዔርሚያሴ ጌይንታ ቄኤሶንሢ ዋሊ ጊንያ ዒኢና ዓኣዴኔ፤ ሄሊሳዖ ዲንኮ ዋርቃ ዳካ ቄኤሴንታ፤ ዬያጉዲ ሃሃ ዛካርያሴ ጌይንታ ዮናታኣኔ ናኣዚ፡ ሸማዒያ ናኣዚ፡ ማታኒያ ናኣዚ፡ ሚኪያ ናኣዚ፡ ዛኩሬ ናኣዚ፡ ዓሳኣፔ ናኣዚ ዴንዴኔ።

36 ዒዛ ቶኣኮ ማዔ፡- ሸማዒያ፡ ዓዛርዔኤሌ፡ ሚሌላዬ፡ ጊሌላዬ፡ ማዓዬ፡ ናትናዔኤሌ፡ ዪሁዳንታ ሃናኒንታ ያኑሲ ዓሢ ዴውቴ ያኑሲ ቦንቾም ዓይናዳ ዓይኑም ዓንጋም ቢያ ከዲ ዒዛ ጊንያ ዓኣዴኔ፤ ዬኖ ዋሊ ጊንያ ዓኣዳ ዓሶ ዔኪ ዓኣዳሢ ዋጎ ኮሺ ዔራ፡ ቄኤሳሢ፡ ዒዢራኬ።

37 ዩካፓ ዔይታ ዓልቃ ዋእፃ ዓኣ ካሮ ሄላፖ ሊካ ዳውቴ ካታሞ ባንሢ ዓኣዲ፡ ኬኤሎ ዲፖ ዑፃ ዓኣ ሳፍጉዳ ቤዘና ኬሰኪ፡ ዳውቴኮ ካኣቱሞ ማኣሮ ኮርሳ ጌይ ካታሚሎኮ ዓባ ኬሰካ ባንፆይዳ ዓኣ ዋእፃ ዲሮ ካሮ ዳንዴ።

38 ላሞዓሲ ታኣኒ ኬሴ ፆኦሲ ቦንቾሞ ዓይናዳ ዓሳ ዋሊ ጊንፆ ሹጮና ኮሾና ዲፆኮ ቶኦኮሚ ዓርቃፆ ሻውሎ ባንፆ ዓኣዴ፤ ታኣኒያ ዒማና ዳርኮ ሄካሢና ዋላ ዬኖ ዓሳ ጊንፆ ዓኣዴ፤ ታሞ ዪኤሎ ኮጮ ጌይንታ ሹጮና ኮሾናሢ ኮይሊና ጌይ ዳልጎ ኬኤሎ ዲፆ ካሮ ኑ ሄሌ።

39 ዒኢና ጌይ ዓፕሬኤሚ ዲሮ ካሮ፡ ዪሻና ዲሮ ካሮ፤ ጊንሣ ሃሣ ሞላሢ ዲሮ ካሮ ጌይንታ ቤዘና ሃናኒዔኤሌ ኬኤሎ ዲሮ፡ ዪኤቶ ኬኤሎ ዲሮና ማራቶ ዲሮ ካሮ ጌይንታ ቤዘ ኑ ሙኬ፤ ዬና ኑ ዋሊ ዑፃ ዓኣዳ ዓሳ ሃንቲፆ ጋፒ ዔቁሢ ጌኤዢ ማኣሮኮ ዑኬ ዓኣ፡ «ካፓ ዓሳ ዲሮ ካሮ» ጌይንታ ቤዘ ሄላፆ።

40 ዬያይዲ ላሞፖ ቤዘ ፓቂንቴ ዓሳ ዋሊ ጊንፆ ፆኦሲ ቦንቾሞ ማዓ ዓይኑሞና ጋላቲ ጋላቲ ጌኤዢ ማኣሮ ኮይሎ ሄሌ፤ ታኣና ዋላ ዓኣ ሱኡጎና ቃሲ ሃሣ፡

41 ሃካፓ ዳማ ዲንካሢ ዋርቃ ቁኤሴያ ዓኣኔ፤ ዩንሢ ቁኤሶንሢ፡- ዔኤሊያቁሜ፡ ሚዕሴያ፡ ሚንፆሚ፡ ማካፆ፡ ዔልዮዔናዬ፡ ዘካሪያሴና ሃናኒያናኬ፤

42 ዔያቶ ጊንፆ ሃሣ፡- ሚዕሴያ፡ ሹማዒያ፡ ዔልዓዛሬ፡ ዑዚ፡ ዬሆሃና፡ ማልኪያ፡ ዔላኣሚንታ ዔኬሬንታ ዓኣዳ፤ ኑ ዔቁ ዓኣንቴ ዓይኑሞ ዓይናዳ ዓሳ ዪዝራህያ ጎፖሢ ዔያቶ ጌይሳዛ ዑኡዢ ፔኤኮ ዳጊዲ ፆኦሲ ቦንቾሞ ዔይታ ዓይናዴ።

43 ዬኖ ዓቦና ፆኦሲሞ ሚቺ ዒንጎ ባኣዚ ሚርጌ ዒንጊንቴ፤ ዳሮ ፆኦሲ ዋዛሴሢሮ ዳኤፒ ዋዛ ዳራ ዋዛዴ፤ ላኣሎንታ ዓቲንቆንታ ዋላ ዋዛዴ፤ ዔይታ ዒማና ዬሩሳላሚይዳ ዓኣፆ ዒላሼ ዒላሼፆ ሃኬ ዋይዚንቴ።

ጌኤዢ ማኣሮ ማዳሞ ዒንጊንቴ ባኮ

44 ዒማና ጌኤዢ ማኣሮ ማዳሞ ዒንጊንቴ ባኮ፤ ዬያጉዲ ታጳፓ ፔቴ ዒንጊንታ ዒንጊፆ፡ ለዓ ለዓ ካፆ ሃኣኮና ዓኣፒ ዓኣፓ ሚፆ ዓኣፖ ቡኩሲ ጌሃ ዲማ ዲማ ቆልፆ ካፓንዳ ሱኤጌ ደኦሪንቴ፤ ዬንሢ ዓሳ ዲማ ዲማ ካታሞ ኮይላ ዓኣ ጎኩይዳፓ ዋጋ ዓይሣ ጎይፆና ቁኤሶንታ ለዊ ዓሶንታሞ ዒንጊንታ ባኮ ቢያ ቡኩሳኒ ዔያቶ ኮይሳፆከ፤ ዪሁዳ ዳራ ጉቤ ቁኤሶንታ ለዊ ዓሶንታ ማዳ ባኮና ኮሺ ዋዛዴ።

45 ዓደጎር ጌዔቴ ዔያታ ያኦሲ ዓይሣ ጎይያና ማዲንቲ ኩማኒ ኮይሳ ዳምቦንታ ጌኤሺያ ዳምቦባ ኩንሣሢሮኬ፤ ጌኤዠ ማኦርይዳ ያኦሲ ቦንቾም ዓይኑም ዓይናዳ ዓሶንታ ጌኤዠ ማኦር ካፓ ዓሳ ዳውቴና ናኦዚ ሴሎሞኔና ኬሴ ዳምቦ ጎይያ ዔያቶ ኮይሳ ማዲ ማዲ ኩንሣኔ።

46 ካኦቲ ዳውቴና ያኦሲ ቦንቾም ዓይኑም ዓይናዳ ዓሶኮ ሱኡጋሢ ዓሳኦፐና ዎዳፓ ዓርቃያ ያኦሲ ሄርሺሢ ዓይኑም ዓይናዳ ዓሶና ጋላቶ ዓይኑም ዓይናዳ ዓሶናኮ ዓርና ማዔ ዓሲ ዓኦኔ።

47 ዜሬባቡሌና ነሄሚያና ዎዳይዳ ዒሰራዔኤሌ ዴራ ጉቤ ጌኤዠ ማኦርይዳ ዓይኑም ዓይናዳ ዓሶንታ ጌኤዠ ማኦር ካፓ ዓሶንታም ኬላ ኬላ ዒንጎ ባኮ ዒንጋኔ፤ ሃሣ ሌዊ ዓሳኦ ዓኦርኔ ሾይንቶ ማዔዞንሢም ዔያቶ ሄላ ዘሎ ዒንጋኔ።

13

ዒሰራዔኤሌ ዴራ ሜሌ ዴራፓ ዲማዲሢ

1 ሙሴ ማግኦፓ ዴግ ጌዔ ዑኡሲና ዔያቶም ናባቢንታሢ ዴራ ዎይዘኦና፡- «ሞዓኦቤ ዓሶንታ ዓሞኦኔ ዓሶንታ ያኦሲ ዴርና ዎላ ናኦናና ሲኢሪንቶፓ» ጋዓ ቤሲ ሄሌኔ።

2 ዬይ ሂዚ ጌይ ዓይሢንቲሢ ዒሰራዔኤሌ ዴራ ቤርታ ጊብፀፓ ኬሰኬ ዎዳና ጎይያ ዓኦንቲ ሞዓኦቤንታ ዓሞኦኔ ዓሶንታ ሙያና ዎኦያና ዔያቶ ላኦኤሢሮኬ፤ ዬያ ሌሊቲዎንቲ ዒሰራዔኤሌ ዴር ዔያቶም ጋዳንቃንዳጉዲ ባኦላኦሜ ጎሮሢም ዔያታ ሚኢሺ ዒንጌኔ፤ ያኦሲ ጋዓንቲ ጋዳም ዓንጅ ባንሢ ሺርሺኔ።

3 ዬያ ናባቢንቲሢ ዒሰራዔኤሌ ዴራ ዒማና ዎይዘያ ሜሌ ዴር ማዔ ዓሶ ዔያቶ ባኦካፓ ዲማሲ ኬሴኔ።

ነሄሚያ ጊንሣ ዓካሲ ማዴ ባኮ

4 ጌኤዠ ማኦርኮ ሜሆ ጌሦ ማኦር ሱኡጋሢ ማዔ፥ ቄኤሳሢ፥ ዔሊያሺቤ ያደሲ ዎዴ ያቢያ ጎሮሢና ዎላ ፔቲ ማዒ ናንጌኔ፤

5 ዬያር ያኦሲም ዒንጎ ሃኦኮ ዒንጊፍ፥ ዑንጅ፥ ጌኤዠ ማኦርም ዲማዴ ሜሃ፥ ሃኦካ፥ ዎይኖ ዑዠ፥ ሪሚቶ ዘይታፓኦ ዔኪ ዔኪ ሌዊ ዓሶም፤ ሃሣ ጌኤዠ ማኦርይዳ ዓይኑም ዓይናዳ ዓሶንታ ካፖ ካፓ ዓሶንታም ዒንጊንታ ታጳሢፓ ፔቲ ዒንጊያንታ ቄኤሶም ዒንጊንታ ዒንጊያንታ ቢያ ጌሢንታንዳጉዲ ማሊንቲ ማኩንቲ ዴኤፖ ቆልፖ ያቢያ ፔ ማኦሪ ማሂ ናንጋንዳጉዲ ዔሊያሺቤ ዓይሢኔ።

12:45 1ያኦሲ. ዓሃኬ 25:1-8፤ 26:12። 13:2 ላሚ. ዎማ 23:3-5፤ ፓይ. ማግ 22:1-6።

6 ዬይ ቢያ ማደንገቴ ዋደና ታኣኒ ዬሩሳሌሜይ ያኣሱ፤
ዓርፃክሲሴ ባብሎኔይዳ ካኣታደንገቴ ሃይሢታሚ ለምዓሳ ሌዖና
ታኣኒ ባብሎኔ ማዒ ዓኣዳኔ፤ ዬካፓ ዳካ ዋደም ካኣቲ ታኣኒ ያኦጪ፤

7 ጊንሣ ታ ዬሩሳሌሜ ማዒ ሙኬኔ፤ ዒኢካ ታ ሄላዖ ዔሊያሽቤ
ያቢያም ጌኤዡ ማኣሮኮ ዲሮ ጋራ ፔቴ ናንጎ ቆልዓ ዒንጌያ ማዔሢ
ዋይዜኔ፤

8 ዬያሮ ዳጋና ታ ዔቂያቢያኮ ዓኣ ባኮ ቢያ ቆልዖ ጋራፓ ኬሲ ኬሲ
ዢቤኔ፤

9 ቆልዖ ጋሮንሢ ዋጎ ጎይዖ ዳምቦና ጌኤሽካንዳጉዲ፤ ሃሣ ጌኤዡ
ማኣሮኮ ዲማዴ ሚሆንታ ሃኣኮ ዒንጊያንታ ዑንጀንታ ዒኢካ ማሃ
ጌሢንታንዳጉዲ ታኣኒ ዓይሤኔ።

10 ዬያጉዲ ሃሣ ጌኤዡ ማኣሮይዳ ያኦሲ ቦንቾም ዓይኑም ማዴ
ማዴ ዓሶንታ ሃንጎ ሌዊ ዓሳ ዬሩሳሌሜ ሃሺ ኬሰኪ ፔኤኮ ፔኤኮ ጎዣ
ጌሌሢ ታ ዔሬኔ፤ ዬይ ያዲ ማዔሢ ዳራ ያኦሲም ዓይናዳ ዓሶና ሌዊ
ዓሶናም ዔያቶ ዋይሣንዳ ጊዳ ባኣዚ ዒንጉዋኣሢሮኔ።

11 ጌኤዡ ማኣራ ዬያ ሄላንዳኣና ቁል ጌይ ዛጊንቴሢሮ ቢታንታ
ዓኣ ዓሶ ታኣኒ ጎሬኔ፤ ሌዊ ዓሶንታ ያኦሲ ቦንቾም ዓይኑም ዓይናዳ
ዓሶዋ ጌኤዡ ማኣራ ጊንሣ ማሃ ዔኪ ሙኪሢና ማዴ ጊንሣ ታ
ዓይሤኔ፤

12 ዬካፓ ዒሰራዔኤሌ ዓሳ ቢያ ጊንሣ ሃኣኮንታ ዋይሮ ዑዡንታ
ሪሚታፓ ኮሾ ዛይቶዋ ኮይሳሢጉዲ ታጳፓ ፔቴ ኬሲ ኬሲ ጌኤዡ
ማኣሮኮ ሚሆ ጌሃ ማኣሪ ዔኪ ሙኪሢ ዓርቄኔ።

13 ሚሆ ጌሃ ማኣሮይዳ ቁኤሳሢ፤ ሹሌሚያንታ ዋጎ ኮሺ ዔራ
ሳዶቁንታ ሌዊ ዓሢ ፔዳያንታ ታኣኒ ሱኡጌ ማሃ ዶኦሬኔ፤ ማታኒያኮ
ናኣዚ ናዖ ማዔ ዛኩሬ ናኣዚ ሃናኔ ዔያቶ ማኣዲ ማዴሢኔ፤
ዬንሢ ዓሳ ዔያቶና ዋላ ማዴ ማዴ ላጎም ኮይሳ ባኮ ጊሽኪሢና
ጉሙርቁንታያኔ።

14 ታ ያኣዛሢዮ፡ ኔኤኮ ጌኤዡ ማኣሮና ዒኢካ ማዴንታ ባኮ
ፒዚሳኒ ጌይ ዬንሢ ቢያ ጉሙርቁንታያ ማዒ ታ ማዴሢ ማሊፓፓ
ኮሺ ባኣዚ ታኣም ማዴ።

15 ዬንሢ ኬላ ዪሁይይዳ ናንጋ ዳራ ሃውሾ ኬሎና፡- ዋይሮ ዓኣፓ
ጩኡጳያ፤ ሃኣኮ፡ ዋይኔ ዑሽ፡ ሶዮና ዋላ ዓኣ ዋይና፡ ቤሌሴ ዓኣፓ፤
ዬያጉዲ ሚሌ ባኣዚ ቢያ ፔኤኮ ሃሮና ጫኣናዖ ታ ዴንቄኔ፤ ዬያ
ባኮ ቢያ ሃውሾ ኬሎና ዬሩሳሌሜ ዔኪ ሙኪ ሻንቹዋጉዲ ላቲ ታ
ዔያቶም ኬኤዜኔ።

16 ዬያ ሌሊቱዋንቴ ዬሩሳላሜይዳ ናንጋ ዲርሴ ዓሳ ሞሎንታ ማሌ ዲማ ዲማ ኮርሞ ባኣዚ ሃውሾ ኬሎና ካታሜሎ ጌልዚ ጌልዚ ዪሁዳ ዴርሞ ሻንቻኔ፤

17 ታኣኒ ዒማና ዪሁዳኮ ሱኡጎ፡- «ዒንሢ ማዳ ፑርቶ ባኮ ቢያ ዛጉዋቱ! ዒንሢ ሃውሾ ኬሎ ዒኢሲ ዒኢሲኬ፤

18 ኑ ያኣዛሢ ኑኡና ካታሜሎናይዳ ሃያ ባይሲንቶ ዔኪ ሙኬሢ ዒንሢኮ ቤርታኣ ዓደንሢ ዬያ ፑርቱሞ ማዳሢርቱሞዳ? ሃሢያ ዒንሢ ሃውሾ ኬሎ ቦንቹዋኣሢር ያኣሲኮ ዳጎ ዒንሢ ዒሲራዔኤሌይዳ ዔቁሳንዳኔ» ጌይ ጎሬኔ።

19 ዬካፓ ሃውሾ ኬላ ቦንቹንቶ ዓርቃኒ ዑኪ ሳዓ ሃባርታዛ ካታሜሎ ጌሎ ዲር ካራ ዋዲንታንዳጉዲና ሃውሾ ኬላ ቦንቹንቲ ጋፑዋንቴ ካር ዔያታ ቡሉዋጉዲ ታ ዔያቶ ዓይሢኔ፤ ሃሃ ሃውሾ ኬሎና ሃንጋ ካታሜሎ ባንሢ ዓይጎ ባኣዚያ ኬዲንቲ ጌሉዋጉዲ ዛጎሞ ጌይ ታኣኮ ዓይሎፓ ፔቲ ፔቲዘንሢ ካታሞ ጌሎ ዲር ካራ ካራ ታ ዔቁሴኔ።

20 ዲማ ዲማ ኮርሞ ባኮ ሻንቻኒ ሸኢሻ ኮርሞ ኮርማ ዓሳ ፔቲ ኬሊና ላሞዖ ኬሊናጉዴያ ሃውሾ ኬላ ዚርኬ ጋዓዖ ዓርቦ ዒባና ካታሜሎ ጌሎ ዲር ዙላ ዋርቄኔ፤

21 ዬያቶ ታኣኒ፡- «ሚኢራ ጌላኒ ማሊ ዒንሢኮ ዬካ ዋርቄዓ ዒንሢ ማኣዳያቱዋሴ፤ ዬና ማዶ ዒንሢ ሃሹዋኣያ ማዔቲ ዒንሢዳ ዋልቄና ፔቲ ባኣዚ ታ ማዳንዳኔ» ጌይ ላቲ ኬኤዜኔ፤ ዬማፓ ዓርቃዖ ዔያታ ሃውሾ ኬሎና ሙኪዖ ሃሼኔ።

22 ሌዊ ዓሳ ዋጎ ጎይዖና ፔና ጌኤሺ ሃውሾ ኬላ ያኦሲሞ ዲማዴያና ካፒንቲያ ማዔሢ ዔርዛኒ ኬኤሎ ዲር ካር ኮሺ ዛጋንዳጉዲ ታ ዔያቶ ዓይሢኔ።

ያኦሲዮ! ሃያር ቢያ ኔ ታኣሞ ማላንዳጉዲና ኔኤኮ ዴኤፖ ናሹሞና ኔ ታና ዓውሳንዳጉዲ ታ ኔና ሸኢቃኔ።

23 ዬና ዋደና ሃሃ ዓይሁዴ ዴርይዳፓ ሚርጌሢ፡- ዓሸደዴ፥ ዓሞኦኔንታ ሞዓኣቤ ዓጮ ዉዲር ናኣቶይዳፓ ዔኬሢ ያኦጪ ታ ዔሬኔ፤

24 ዬያቶ ሃካሢኮ ናኣታ ዓሸደዴ ሙኡቹና ማሌ ፔቲ ፔቲ ሙኡቹያኣ ጌሰታኔ፤ ፔኤኮ ዓይሁደ ሙኡጮና ዔያታ ጌሰታኒ ዳንዳዒባኣሴ።

25 ዬያ ዓሶ ታ ጎሬኔ፤ ጊንሣ ሃሃ ጋዳንቄ፥ ጳርቄያ ጳርቄ ቶኦኮ ጋፓኖዋ ታ ዔያቶኮ ቱጌኔ፤ ዬካፓ ዔያቶ ማዔቲያ ዔያቶኮ ናኣታ ማሌ ዓሶና ዋሊ ዔኩዋጉዲ ያኦሲ ሱንዖና ታ ዔያቶ ጫኣቄሴ።

13:23 ኬሲ. ማፃ 34:11-16፤ ላሚ. ዋማ 7:1-5።

26 ታ ዔያቶም ከኤዛዎ፡- «ዒሰራዔኤሌ ካኣቲ ሴሎሞንታዎ ጎሜ ማዳንዳጉዲ ማሄዞንሢ ዩያጉዳ ሜሌ ዓጮ ወዲሮ ናኣቶቱዋዓዳ? ካኣቲ ሴሎሞን ሜሌ ዓጮ ካኣታፓ ቢያ ባሼ ዓሲኬ። ያኦሲ ዒዛ ናሽኪ ፔኤኮ ዳሮ ዒሰራዔኤሌይዳ ካኣታሄን፤ ዒዚ ጋዓንቴ ሜሌ ዓጮ ላኣሎ ዛሎና ጎሜ ማዳ፣ ዩያጉዳ ጎሜይዳ ሎኣሜን።

27 ዓካሪ ኦኡኒያ ዒንሢ ማዳ ጎይዎ ሜሌ ዓጮ ወዲሮ ናኣቶ ዓኪ ያኦሲ ዓይሢዎኮ ዑሣ ዓኣዲ ዳቢንታኒ ኦም ኮይሳያዳ?» ጌዔኔ።

28 ቄኤሶ ቢያኮ ዑፃሢ፣ ዔሊያሽቤ ናኣቶፓ ፔቲሢ ዮያዳዔኬ፤ ጋዓንቴ ዒዛ ናኣቶይዳፓ ፔቲ ቤትሆሮኔ ካታማ ናንጋሢ ሴንባላፃኮ ወዲሮ ናይ ዔኬኔ፤ ዩያሮ ዩሩሳላሚ ሃሺሲ ዮያዳዔ ታ ኬሲ ዳኬኔ።

29 ታ ያኣዛሢዮ! ሃይ ዳራ ቄኤሶንታ ቄኤሶ ዳምቦንታ ኔኤኒ ቄኤሶና ሌዋ ዓሶና ዋላ ጫኣቄ ጫኣቄም ዋማይዲ ዒኢሴቴያ ዛጌ!

30 ዩካፓ ዳራ ቢያ ሜሌ ዓጮ ዳሮኮ ዒኣቲ ማዳፓ ፔና ጌኤሻንዳጉዲ ታ ማሄን፤ ቄኤሶንታ ሌዋ ዓሶንታ ፔቲ ፔቲሢ ፔ ማዳ ማዳ ዔሪ ማዳንዳጉዲ ዳምቤ ቢያ ታ ጌኣጊሹኔ።

31 ሚቹ ዒንጎ ዒንጊዎ ሚቹንደ ሃንዲሎ ጌይንቴ ዋዶና ቢያ ሺኢሾንደ ጎይሢያ ታኣኒ ጌኣጊሹኔ፤ ጊንሣ ሃሣ ዳራ ቡኩሳ ሃኣኮይዳፓ ቢያ ሃኣኮፓኣ ማዎም ዓኣፒ ዓኣፓ ባኮይዳፓኣ ቤርታ ካፃሢ ዋማይዲ ዔያታ ዒንጋንዳቴያ ታ ጌኣጊሹኔ።

ታ ያኣዛሢዮ! ዩያ ቢያ ማሌ፤ ኔ ሚጩንቴያና ኮሺ ባኣዚያ ታኣም ማዳ።

ጌሌዢ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929